






John Carter Brown  
Library  
Brown University





# V. Blegung der Ader carthen oder Cartha Marina

Sarin man sehen mag/wa einer in der welt sey/ vnd wa ein ierlichs  
Land/Wasser vnd Stat gelegē ist. Das als in de büchlin zefinde.

Dem Erfamen Herrn Johann Grieninge  
Burger vnd Buchdrucker zu Straßburg  
embüwt ich Laurentius Fries/natürlicher  
Philosophus heyl.

**G**unstiger lieber Grieninge/als ir mich gepeten vor etlicher zeit  
die Werckarten in ein kleinere form (ein jetlichen züeriger/auch  
in mercklichen verstand / dan sye bitz her gewesen) zu bringen/  
hab ich eüwerem Begeren/von wegen lang geübter fründtschafft/  
mit fügen nit mögen zu wider sein/ mich geflossen nach meinem  
schwachen vermögen eüch gütwillig allwegen zu gegen zu sein/  
Sie gemelten Carten in zimlicher größe / nach rechter kunst vnd gewisser  
messung der Geometry gesetzet/Nit das ich da mit verkleinere oder min/  
der achten wolle/die andern/so vormals vßgänge von dem wyberümpften  
Martino Waldsee müller/dem gott der herr gnedig sey / als mir dann die  
neidigen leichtlichen möchten zu messen. Aber darumb das die selbig Meer  
kart nit yedem anmütig oder tögenlich von wegen irer übrigen lenge vnd  
breite/defßhalb ir zu entschuldigung in disem sal mein gezeüg seind / wann  
ich keinem gelerten / er sey gleich in leben oder abgestorben / weder sein lob  
oder kunst/Beger zu entweren oder zu minderen. Vff das aber solliche mein  
arbeit yederman verstandig/vnd zu nutz keme / hab ich für mich genomen  
diser edlen/nutzparen vnd auch kurzwilligen Meerarten innhalte vßzüley  
gen/welches dan auch nit mit kindischer arbeit gesain mag/ Vrsach das sye  
in ir begreiff die ganzen nidern welde/ das ist die wind/das hohe mer/alle  
käffen oder arm des meres/Alle namhafte erkante Insulen/dz ingewont  
ertreich/lender/künigreich/herschafft/stett/gebürg/fließende wasser/wilts  
nussen/seltzame wunderbarliche ding/nach rechter natürlicher art / als sye  
dan in lenge vñ breite von einander gelegē seind / sampt vil lustige dingen/  
Welche alle nit dan durch vil anderer edlen künsten hilff beschriben müssen  
werden/auf welchem dan reicher dz solliche beschreibung auch zu mancher  
le hendeln dienen mag/ als dan gar lieplich bezüger der alte Erdreich be  
schreiber Strabo am ersten vnd andern büch. Nun wiewol mir vor gesch  
hen ist vil nachred von etlichen / da ich eüch auch vmb fründtschafft willē die  
welt beschreibung Ptholomei etwas gebessert/erstattet/vnd erklet hab/vir  
war ein arbeit welcher ich mich bey allen verstandigen nit bescham/ angefe  
hen die kütze der zeit so ich darzu gehabt ic. Vnd damit ich doch gang zu  
volende dise vßlegung der oft gedachten Carten. Gott sey ewer beschirmer  
Geben zu Straßburg vff die stund do die Sonne was im. xxj. grad vnd  
xl. minuten der fisch. des Jars do man zalt. 1525.

Was die Werckart sei/oder  
wz sie inhalt. Das erst hopt.

**S**Artha Marin  
na/ zū türsch die mercart  
vnd der ganzen welt (als  
wier hie da von reden) ist  
ein beschreibung des mer  
res sampt aller dig so da  
rin beschloffen vnd begriffen werden  
Als dā schiffert vō einer insel zū der  
andern/ desgleichen Lender/ König  
reich/ Berg/ Weld/ fließende wasser  
Portē/ vß vnd yngēg des mers/ Alles  
nach rechter erfariug gesetzt/ in masen  
als sie gelegē sein/ doch nit zūuerston  
das diser gedachte ding satzung/ eben  
gleich zūfage den himelischen paralel  
len circlen vñ gradē/ in leng vnd brei  
te/ in massen als dan Ptholemeus dz  
ertreich beschriben hat Sunder allein  
in art vnd masen als es vō den schiff  
lütē gebucht würt/ Wiewol wir hie  
dises vnser werck/ vß d rechte Cosmo  
graphy. Ptholemei vnd andrer alten  
vñ nūwē/ ersücht/ gezogen vnd erarbei  
tet haben. Wöchte nun einer fragen  
was die vrsach were/ das solliche satz  
ūg nit beschēbe/ nach eigenlicher zūfa  
gung des wassers vnd ertreichs gegē  
den himelischen sperē/ als dan in den  
Mappa od General ptholemei. Sag  
ich/ das dis sei omb vilerlei vrsachen  
aber doch ammeisten darū dz sich ein  
ieder auch möchte verrichten wie weit  
ein ort von dem andern gelegen wer/  
Welches vff die andre weiß niemans  
möglichē ist/ dan denen so sich omb  
die kunst der zal vnd meß verstont/  
Als wier dan auch gar klerlich in der  
inleitung so wir in die Cosmographi  
ptolemei gemacht/ angezeigt habent  
Vnd also hab ich nun erclert was die  
Werckart sei/ welches dan auch selbs  
vßlegt ir titel/ so oben dar vff mit gro  
sen büchstaben geschriben ist/ also lu//

ten Lin merkart der portugalesischen  
vnd ganzen erkantē welt schiffungen  
des ertreichs vñ mers/ gestalt/ natur  
gelegēheitē vnd gegnen/ nūwlichen  
widerumb gebesseret/ vnd von dar//  
gebung der alten vnder schiden / in  
gemein/ anzögend.

Von den windē Sas. ii. hopt

**S** Nun der tit  
tel diß löblichen wercks  
vßgelegt/ vß welchem ein  
ieder kürzlichē in gemein  
vston mag den inhalt di  
ser cartē. Wellen wir nū  
vō iedē namhaftigē ding auch in be  
sunder ein clarē verstant geben Vnd  
zum ersten von den winden. Es sein  
vier schöner gezieter leisten weliche  
die ganzen kartē vmbgeben vnd be//  
schliessen. Namlich die oberst gegen  
mitternacht vnd die himlischen achs  
so man nennet den Berischen polum  
desgleichen eine zūr linke hand gegē  
Nidergang/ Eine widerumb vnder  
gegen mittag od der himlischen achs  
die man nennet den gegen Berischen  
polum Sie vierde zū der rechte hand  
in vffgang. Sise vier leiste haltē die  
wind/ nach art vnd masen als sy die  
marinal oder schifflewt im bruch hal  
den. Sie namen diser win seind ver  
zeichnet mit leslicher grosser gschufft/  
in tesselin vffasset vnd do by angesicht  
wercklich gerissen vff das ein ied dest  
er mer annütz vñ kürzweil in disem  
werck möge gehaben. Sie namen in  
der obersten leisten seind/ Nordwest  
Zubeccius/ Nordwesten nord/ Nord  
nordwest/ Nordenwest/ Montana/  
Norden/ nordentosten/ Nordnord/  
Nordosten nord nordosten/ Grecus/  
Nordosten. Sie namen der wind in  
der Nidergēgischen leisten seind west  
nordwest/ Westennord. Ponens/we  
sten/ westzuden/ westzudwest. Sie na  
Aii

## Von den graden

men in der mittegrischen leisten seind  
Zudwest west/zudwest/ Magistralis  
zudwestzud/zudzudwest. Zud meri/  
dionalis / Zudronosten/ zudzudost /  
zudostenzud/zudost/ Sirocus/zudo  
stenost. Sie namē in der vffgengisch  
hen leisten seind/ Ostnordost/ ostennor  
den/ Leuans/ ost/ ostzudē/ ostenzudi  
ostzudost Siß seind nun die wind de  
ren sich vff dem hohen od grosen mör  
gebruchen die schifflewt wie wol plini  
us am ersten büch. 49. capitel/ seiner  
natürliche gschicht anders do von sas  
get. Da mit ich aber rechnung gebe/  
Warumb die Marinal od schifflewt  
des Mers so vil wind haltē/ mit vier  
oder acht/ oder zwölff wie man dann  
sunst gemeinliche erküt/ vnd auch plini  
us an obgemeltem ort Sag ich das  
es geschehe von wegen der weiche des  
meres / Wan die weil der wind ( als  
Aristoteles leret Meteororum am  
dritten ) mit anders ist dan einhitziger  
vñ truckner kampf der sich beseitz nach  
schlechter linien beweget vff dem ert/  
rich. Ist leichtlich zū erkennen das als  
vil wind mögend imaginiert werden  
als linien/ Nun vff einer weiten oder  
breitē fleiche ( als dan das möre ) mag  
man mercklichen vñ scheid der linien  
befinden/ dan in einer enge/ als in rei  
lern oder vff den Bergen deßhalb so ha  
ben die Marinal dise wid vñ reglich  
er erfahrung in solliche zal gesetzet/ vñ  
gebruchent sich der selbigen also vñ  
disen namen wie obbestimet ist. Aber  
die alten natürlichen meister/ so vor  
alten zeitē in iren hütlin gesehen vñ  
vrsach die natürlichen ding ersuchet/  
habend nur vier wind gesetzet/ den  
vier orten nach der welt/ welche dan  
dar nach weit hers den. ii. himelischen  
zeichen nach vndertheilet worden sind  
in. ii. vñ genennet nach art des ortes  
da sie her blasen oder nach wercklicheit  
so sie in alle irdische creaturen vñ vñ

da von hie nit mer zū sagen.

Von den schwartzē vñ weisen gra  
dē vñ zalen so am ort zū der lin ken  
hand vñ oben nach der lenge diser  
Cartē verzeichnet sein. Dz. iij. hopt.

**N**ach den win  
den so kumen schwartzē  
vñ weise grad ye einer  
vmb den andern von ze  
henē zū zehen mit zalen  
vñ der schlagen/ welche  
grad vff der linken seite an dem equi  
noctialcircel (welcher die karten nach  
der lenge durch streichet) an hebend  
vñ gegē miternacht vbersich steigend  
bis zū. 70. als weit als dan sich zum  
höchsten mögliche wonung der meir/  
schen volstreket desgleichen auch von  
dem gedachten Equinoctial circel vñ  
der sich hinab gegen mittag vff .50.  
In welchen gradē auch clarlich erschet  
nend die anfang der. 8. climat vnser  
ingewonten ertreichs/ auch dagegē er  
liche gegen climat/ der so gegē mittag  
vñ oberhalb des Equinoctial cirkels wo  
nend. Gleicher weis seind auch oben  
grad nach der lenge der Carten/ auch  
mit zalen vñ derstiden. Wo zū aber  
dise grad dienstlich/ wirstu in nach  
volgender ler gnügsam befinden.  
Von dem mere Sas. iij. hopt.

**I**e so folget nun  
hernach das meere welches  
das ganze ertreich vñ  
fahet vñ de es würt genant  
Oceanus von wegen sein/  
ner schnelle/ doch so enpfa //  
het es vil andere namen/ ic nach dem  
vñ es sich an end vñ ort teilet/ wan  
so es inget indz wonhafft ertreich würt  
es genat/ vnser mer. Bei hispaniē dz  
hispanis mer/ By den insulen Balca



res genat/das Balearisch mer/Ses gleich in Narbona dz frantzösch mer/in Sicilia dz Tyrrenisch/oder Siculum: So es sich aber herüb zü her venedig zü/ empfahet es den namen Adriatisch/darnach gegē krieg en land zü/wirt es genant Ionium/ vnd Aegium. In der enge aber da es Asiam entscheidet von Europa/ hie se er es Hellespötus/ bis das es sich wider vff thüt in die breite/ heisset es Probuntis bis gen Constantinopel. San so wirt es wider vñ in ein enge gezogen/ Bosphorum genat/dar nach komet es wider in ein weite vnd heist Euxinus/hie nach volget die grose vnd breite pfüz oder pfulse Meotis in welche Chanais das fließend wa ser rinnet. Fürher gegen Asien zü/ heisset das mer Pamphilicum/phoenicum/Aegiptium/Cypru/Carpatum/Creticum/Ausonium/Illyricu Corinthium/Argolicum/Cyrtou/Persecum/Gangericum/Arabicum Hyrcanü vnd noch mancherlei von Insulen/Ländern/völkern/sterē vñ andern namhaften dingen/so dar an stossend. Als dan auch gar clerlichen in der Carten zü sehen ist.

Was die linien oder strich be dürtē so in vil weg durch dis kartē gezogen sind Sas.v.hobt

**S**ind allenthal ben in diser kartē riss oder linien gezogen durch das mer welche züm ditzmal/ krüz weiß übereinander gond/dz dan manchē gar selzam be dunkt. Kurtzlichen dis zü erkläerē soltu wissen dise riss nit anders bedüten dan die nadlen/nach welchen die Marinalen ire schiffert richten von einē port zü dem andern/da hin sy dan fa

ren wellen/auch nach welche sy wissen den winden zü vñ von zü geben/ vnd so sy durch ein fortun etwa vil meilen von irer fürgenommenen strass geworfen/das sie durch die gedachten linien wissen wider vñ (in der withe des mers/da sie nichtz dan himel vnd wa ser sehend) vff den rechten weg zü kommen/welches alles (mit hilff d Astro nomischen Instrumenten) durch dise linien beschehen müß.

Wie man etwas in diser kartē suchen soll/vnd gar kurz findē Sas.vj.hobt

**A**ff das du nun her nach dester leichtern vñ stand habest/wil ich dich leren alle namhafte ding/so dise kart vñ haltet/behent findē/thü im also/ Schaw in dem nach folgenden Register wo du findest nach ordnung des Alphabets/dein land/dein gegne/oein insel dein stat/od was du dan wissen wilt vnd da neben in der cart findestu zwo zalen der grad/ die erst die such an ort bei der linken hand/ in der linien der grad/vnd wo sich die zal ender da halt ein faden hin/vnd streck den selbigen schlechts nach der lenge durch die kart hin vñ/Ses gleichen thü mit der andern zal/Such sie oben in den graden vnd wo sich die zal ender da laß ein faden mit einem Blei her ab hangen/vnd wo sich die zwen federn kruzweiß vber ein andern schrenken da findestu das ort oder stat was du wissen wilt. Exempel werden gnuog her nach komen.

Von teilung des ertreichs in diser Carten. Sas.vij.hobt.

## Von den Climated

**D**ie beschreiber  
des ertreichs / habend das  
gantz eingewort ertreich ge  
teilt in driuw teil / Das ist  
in Europa. Affricam vñ  
Asiam. Europa ist d plaz  
der da ligt zwüschen dem nidergengi  
schen mer vnd stießenden wasser Ta  
nais genant / welches bei der grosen  
Bulgarien her ab / vß den gebürge  
n faller in das gröser mer / vñ züher dā  
an dem mittlen mer her vmb bis wi  
der in das Hispanysch mer / vñ heisset  
Europa nach einer frauen die da w  
ein dochter Agenoris des künigs in  
Phoenia. Siser plaz ist in der Carte  
zū oberst mit einer besondern farben  
vnderscheiden / Vnd wie woler klein  
ist er denocht / weltreicher dan kein an  
der ort inder welt / von vile d herschaff  
ten vnd stet so dar in gelegen / als dan  
gar klärlich indisem werck zū sehen ist  
In Europa seind vast die aller ge  
schickrischen lewt / so man vff erden für  
det / von künsten / geschribten streipa  
ren handlungen vnd was man erdet  
en sol / Es ist auch der lufft zimlicher  
massen / das ertreich fruchtbar an al  
len lebendigen vnd wachsendē dingen  
Africa der ander reil stoffet an Eu  
ropam in nidergang bey den Säulen  
Herculis / vnd get hin an bis an das  
ort da der Nilus her ab flüßet vñ  
auch da sich Europa von Asia schei  
det / vnd ist in diser karten auch mit  
sonderer farbē verzeichnet. Siser teil  
der welt ist gar vngleichet natur in al  
len lebendigen vnd wachsendē dingen  
An etlichen orten so fruchtbar das ein  
körnlin / Hundert körnin bringet so mā  
es seet / als dan ietz in vnsern länden  
auch weßt. An etliche endē ist es vast  
vnfruchtbar / vnd vil selzamer ding  
welche her nach beschriben werdent.  
Vnd wirt geheissen Africa von einē  
nach kommen Abrahe Afer genant /

welcher von Centhura geporn worden  
Auch wirt sie geheissen Libia von dē  
wind Libo / welcher ( als man sager )  
da her blaset. Ser drit teil Asia ge  
nant / ist vil gröser dan Europa vnd  
Africa / vñnd begreiffet den übr  
gen plaz der welt überal. Ist also ge  
heissen von Asia tochter Thothios  
vñ haußffrawen Japeti. Welcher teil  
in im vil selzamer wunderwerk be  
greiffet da vō dā her nach gesagt wirt

Von den Climated vñ wie man  
wissen sol in welchem climat ye  
des land / stat oder Insul lige.  
Das. vij. hopt.

**W**itbers ist zu  
wissen das die beschrei  
ber des ertreichs / die  
ganzten welt in andere  
teil vnderteilet habend  
die selbige geheissen di  
mat / welcher die alten. 7. vnd die new  
en oder iüngerer. 8. gesezet habend /  
vnd sabend die selbigen climat an vn  
der dem Cirkel des himels / da tag  
vnd nacht alweg gleich seind / stigend  
also von den selbigen vff gegē den Be  
rischen polo oder miternacht vō grad  
zū grad vnd so oft sich der lengst tag  
vmb ein halbe stund vfferhept so setz  
end sie ein vnderscheid eins Climated.  
Sise climata habend ire namen von  
namhafften steten od wassern so dan  
in der selbigen linien lige / dar in das  
Climat sei anfang hat. Sz erst wirt  
geheissen diameroes / als vil gesprochē  
als durch Meroe oder von Meroe.  
Wan in Africa / in der linien da sich  
das erst climat anhebet / ligt ein stat  
Meroe genāt / vnd da her habend es  
die alten geheissen diameroes. Das  
ander climat wirt geheissen diasene  
von einer hoptstat in Egipten / an  
anfang des lands Thobaides gelegē  
Das drit heist Sia Alexandria vō

## Von bedütungen

Alexandria d' großen hoptstat in egip-  
ten. Das viert heisset Siarhadē vō  
der Insul Rhodos/welche iezunt zū  
vnsere zeit der türck gewunnē hat.  
Das fünfft climat heisset Siaromes  
vō d' hoptstat in Europa. Roma ge-  
nant/ Sz sechst heisset Siaboristenes  
vō dem großen fließenden wasser dz  
da flüßet durch Scythien welches zū  
tcheutsch der Neper genant wirt. Dis  
seind die siben climat/ wie sie vō den  
alten gebrauchet worden/ Aber weit-  
thers erfahrung der neweren welt hat  
noch ein climat hin zū gethon/ Das  
selbig geheissen Siatyles nach einer  
stat welche in miternacht/ gegen dem  
gefrorenē mer gelegen ist. Nun ist diß  
alles allein Vff der halben kugel des  
ertreichs vō dem equinocial gegē mit-  
ternacht (als dan obengesagt) zū ver-  
stō/ Des halber zū merckē das vff der  
andn halben kugel des ertreichs auch  
gegen climata seind/wann da selbst  
auch vil namhafter stet/ Insulen vñ  
wonugē der menschen seind/ Dife cli-  
mata heissen eben wie die obgesagten  
on allein das man inen zūsetzet anthē  
das ist hingegen. als Antidiameroes  
dz ist gleich vberzwerch/ gegē der stat  
Meroc/ Antidiasyne Antidialexan-  
dros/ vñ d' gleichen. So du nū wü-  
sen wilt in welem climat ein land in-  
sul/stat oder gegne gelegē sy/ so nim  
in dem register war/ wa die selbe stat  
oder insul stand/ vñ die ersten zal so  
du darneben findest/ die sūche in der  
carten/ gegen der linken hand am ort  
vñ zuhand sichstu dabei das climat  
darin die selbig stat/ insul oder gege-  
ne gelegen ist. Sēs nim dir ein sölich  
exempel/ Es kumt ein fremder kauff-  
man vō Alexandria gen frankfurt  
an in ein in die meß/ vñ wil wüssen in  
welchem climat frankfurt lige/ so get  
er hienach in das register im büstabe  
f. findet frankfurt/ vñ dabei zū dē

ersten. 47. Dife zal sūcht er neben der  
leisten gegen der lingken handt/ vñ  
sicht dabei verzeichnet die. 7. Climat  
das gibet im anzeigung das frankfurt  
im sibenden climat gelegen ist.

Von mancherleien anderen dinge-  
gen so in der Carten bezeichnet  
seind. Das. viij. hopt

**S** seind sunsten  
auch noch vil ding in diser  
Cartē verzeichnet/ Namlich  
etliche new erfunden lender/  
Es seind auch an vil orten  
im mer vnbedekte felder wel-  
che alle Insulen bedeüten/ vñ bey et-  
lichen stōnd geschriben ire namen/ bey  
etliche kein nam/ vsach das niemans  
in den selbigen wonet/ Bey etlichen  
seind verzeichnet klein krüzlin/ bedei-  
tent das die selbigen Christliche glau-  
ben angenommen haben/ vñ sich Christ-  
enlichen fürsten vnderwürfflich ge-  
macher/ Deshalb so sind auch an vil  
orten Christenlicher fürsten wapen do-  
hin verzeichnet/ Alsdann des künigs  
vō Portugal/ Engelland vñ Hy-  
spanien ic. Inwendig vff ingewontē  
ertreich seind kleine ringlin sollicher  
massen. o. bedeütend die stett/ vñ  
stot by yedem ringlin sein nam/ Die  
lender sind auch mitt einer besondern  
grössern geschriffte vñ erschiden/ Vñ  
ye bey zeiten die büchstaben nit ancū  
andern/ sondern durch die gegne des  
landes gespreitet. Gebürg vñ wasser  
seind auch mit iren namen bezeichnet  
vñ begibt sich zū zeiten das etliche ge-  
gne mit vil pünctlin also..... omb-  
rissen ist/ das selbig bedüet ein nam-  
hafte strassen desselbigen landes/ ne-  
ben welcher nit yderman zū wandern  
erlaubt ist.

## Wie man messen sol

Wie man messen sol/wie weit  
ein ietliche stat von der andre  
gelegen sei. Das .ix. hopt

**N**un du nun  
wissen wilt wie wyt ein  
stat vō der andre gele/  
gē sei/ so rū also. Nim  
ein Cirkel vnd setz einē  
füß in das ringlin der  
ersten stat/vnd den andern füß in dz  
ringlin der andern stat/ Sar nach so  
schaw vnden an der Carten findestu  
drey leyteren/eine die haltet gemeine  
teutsche meilen/ die ander Italische/  
die drit frantzösische/ Setz den Cir/  
kel an der leyteren eine/vnd was zwī  
schen beide füßen komt von zalen/ so  
vil seind der selbigen meilen zwischen  
den zweien stetten. Nim ein exempel.  
Ich find in diser Carten. Basel vnd  
Straßburg zwo stet am Rhein gelegē  
vnd wil wissen wie vil meilen zwischē  
disen zweien stetten seien. Sar vmb  
so nim ich ein Cirkel vñ setz seine füß  
in diser zweier stet ringlin oder mach  
ein hehlmlin das eben von einem ring  
lin in das ander get/den selbigen Cir  
kel oder hehlmlin schlaß ich an die lei  
ter der teutsche meilen (doch ob krüme  
oder berg da sein/gib zū) Welcher Ti  
tel ist/Scala miliarium germanico  
rum vnd seind. 17. teutscher meilen  
zwischen Basel vnd Straßburg/wil  
ich aber wissen wie vil Italischer mei  
len/so schlaß ich den Cirkel oder hal/  
men an die leiter der meilen welcher  
Titel scala miliarium Italicorum heist  
vnd seind. 16. meilen zwischen den  
genanten stetten. Desgleichen thün  
ich wan ich wissen wil wievil frantzō  
sischer meilen zwischen disen zweien  
stetten seind/ vnd find in der Leiter  
welcher titel Scala leucorum gallico/

rū/gar naßend. 14. meilen. Also rün  
ich auch mit andern stetten oder stettē  
en/vnd finde ir weite von ein andern  
on alle arbeit

## Ein register zu finden

alle namhafftige Lender Stett vnd  
Insulen in diser Cartē begriffen nach  
ordnung des Alphabets gestellet  
das es güt zefinden sei/nit nach  
ierē glegenheitē/vnd fahet an  
an dem büchstaben. A. das  
New land america/dz  
vor. 15. iare vnberāt  
niemā dauon ge  
wüßt/auch nie  
kein zwölff/  
bet darei  
kumen  
ist.

Item so du nun süchen wilt das neue  
land oder ein stat so schlaß den faden  
bei der lincen hand an das. 40. grad  
wie vor stor/vnd schlaß dan ein fadē  
oben auch an das. 15. grad (du magst  
auch ein bleiclözlin an den faden hon  
so bleiben sie ligen) so findest du das  
new land an der zal wie obenelt ist/  
vnd also fürußhin.

# Das Register

America. das nūw land. 15	40	Cicopedes	5	152
Anglia Engelland. 50	146	Constantinopel	45	188
Aurdiana/Diliēs	42	Candia	37	183
Aninio	39	Ciprus	38	197
Austria/östereich	48	Cesarea	45	196
Antuerpia Antozff	47	Chayram	31	195
Argēna Straßburg. 46	160	Caldea	35	224
Augusta augspurg. 47	164	Cabo de bona speranza	33	190
Albis das wasser entspringet		Callicut	16	281
si 166 lauset vß	54	Cathay	63	318
Albania	49	Capo verd caput viride	13	126
Armenia groß vñ klein	43	Colonia	47	158
Antiochia	41			
Alexādia inegiptē	33	Satia dennmark	57	158
Assyria	43	Sanubius die Thonau hept an		
Arabia deser. wüst arab. 34	208	47 163 endet sich	47	188
Allanus der berg	62	Samascus die stat	41	202
Arachosia	37	Desertū magnū indie die groß		
Arabia felix die fruchtpar ara		wüste in India	45	290
bia	19			
Arabs das wasser	35	Ethiopia morenland	19	166
Burgundia	43	Erffordia	50	160
Boēia behemerlant	52	Emerich	47	155
Bauaria/Beyerlant	48	Eufrates dz wasser	33	228
Barbaria	31	Egipten	27	196
Burgis	37	Hydgn offenland	46	162
Bisantium	44	Einſiden	Eßlingen	
Bern in Schweiz Baden oben		Erffurt	Eßter	
Baden. marcgraff				
Basel	45	Frankenlant	50	162
Bryſach		Frankfurt an d ad	54	163
Brandenburg	53	Frankfurt am mei	48	159
Bamberg	50	Florenz	43	168
Brunswig	50	Fessa kinigreich vñ stat	25	144
Bresla		Frubrug in voheland		Farrer
Buda. ofen	49			
Bellograd	47	Gallia francrich	41	153
Briyen	47	Granata	33	142
Bononia	44	Grecia kriechenlant	43	178
Babylonia	36	Gurgē	47	170
Corſica	40	Geculia	29	144
Constantia costantz	46	Garamantes dz wasser	15	177
Cur	46	Guzerat	35	272
Colmar canstat		Ganges das wasser	38	302
Cracouta	53	Gebenna	43	158
Corſima	39	Genua Grienynge		

# Das Register

Hybernia	52	139	Mons sinay	30	no. s. kat. berg
Hispania	38	142	Medina	27	217
Hamburg	52	152	Mare rubrū dz rotmer	20	200
Herbipolis/würtzburg	49	157	Meroe	16	201
Hypreborci die berg	59	222	Mecha	27	232
Heliopolis	30	194	Mallaqua	13	318 gē mitag
Hagnaw	Hailbrun		Madagastine	25	230
Insula d Cantbalē	31	80	Melli das künigreich	13	147
Insul. Canereē	7. 144.	gē mitag	Mursuli das künigreich	20	300
Italia	41	170	Mülhusen		
Janua	42	164	Minerua	27	
Istula / das wasser entspringer			Mantua		
si 171. vnd endet sich	56	166	Norwegen	62	54
Iber das wasser entspringer			Nantes	43	144
40 145 vñ endet sich	34	151	Nierenberg	50	163
India	34	199	Neapolis	41	169
Iherusalem	34	199	Nouoguardia	62	181
Jaua ein insel	31	300 gē mitag	Nubia	18	183
Jaxartas das wasser entspringe			Nilus das wasser	16	203
17 261 endet sich	50	335	Narsinga	28	190
Indus das wasser	40	275	Nepes dz was.	55	188 end. 53. 193
Ingelstarr			Nichades inselen	57	144
Jenff.			Ndera das wasser entspringer		
Keisersperg			si. 169. vñ endt sich.	52	162
Künigs Hoffen			Drinus ein insel	26	260
			Ofen		
Lituania/litaw	56	177	Presilia	23	10 gegē mittag
Lantzshüt			Pillappenland	70	180
Lundis	47	148	Portugal	35	136
Lisbona	34	138	Pomerania/pomern	55	164
Lion	42	157	Prüssia	56	168
Lubecum	54	156	Polonia	53	173
Liodiū lutich	46	154	Paris	44	153
Leipsik	51	160	Potiers	42	148
Marsilia	40	158	Perlin	53	161
Magdeburg	52	160	Praga	51	164
Meg oder metis	45	158	Prejla	53	166
Menz	47	159	Padus das wasser entspringer		
München	49	165	44 163 vñ endet sich	45	169
Milan/meiland	44	164	Persia	35	249
Mosa das wasser entspringer			Prolemais	28	193
45 158 endet sich	41	156	Priester iohans land	7	200
Mostonia	59	195	Pego	6	318
Mosta das wasser	59	200	Philadelphia	42	194
Media	34	224	Pauia	Passaw	199
Nedera	31	224	Padua	37	

# Das Register

Roma	42	169
Renus der Rhein entspringet		
46	164	endet 48 152
Rodanus das wasser entspringt		
44	159	endet 41 156
Russia/rot	51	178
Russia weiß	62	197
Rodos die insel	37	188
Riba das wasser entspringt		
61	203	endet 51 218
Rotenburg am necker		
Regenspurg	94	
Rauena		142

Spagnola insula	27	60
Suetia/Sweden	62	162
Scotia/Schottenland	52	144
Sardinia ein insel	38	168
Sicilia	37	178
Sant Jacob	37	138
Salamantica	35	140
Sarragossa	37	148
Sietin	55	161
Spier	46	160
Salzburg	50	167
Siben Bürgen	50	177
Salerna	40	169
Syria	42	204
Syrene	25	194
Samotta	5	299
Serua	45	178
Senis	42	168
Senega das künigreich	15	130
Suenia	48	162
Solutorn		
Schaffhausen		
Schleifstade		

Terra de cuba das new land vor		
Cuba	49	19
Terra conterat das new land		
Conterat	54	90
Treueris trier	46	158
Turcia maior die größte turckey		
44		194

Tanais der fluß entspringt	59	
202	endet sich 55	203
Tigris das wasser entspringt		
42	in endet sich 33	242
Tartaria	48	150
Taurus der berg	43	203
Taurisium	40	12
Terra pigmeorum der kleinē leüt		
lin land	41	334
Terra magni Chaan / des groß		
Chans land	59	334
Toletum	34	142
Tübingen		
Tolosa		

Ungaria	50	173
Verona Dietrichs Bern	45	167
Venedig	45	168
Volga das wasser	56	194
endet sich	61	184
Vlm	48	163
Vberlingen		

Walachia	47	178
Wormatia/Wurms	47	159
Wien	50	170
Weissenburg		
Würzburg		

Ysland	57	138
Yberia	49	112
Zeylan	35	144
Zürch		

Hie endet sich der erst tract  
 tract diß büchlin.

## Wie man messen sol

Der ander tractat er  
kleret zum teyl die land vnd sitten der  
völker/so an gemelten orten erfunden  
werden/ als vß nūwer vñ warhaffter  
erfarung hie her gezogen/ vñnd was  
diß die erst vß fart in dz new land hie/  
nach angezeigt.

Von America ein teyl dauon  
hie beschriben. Sz erst hopt.

**A**s neuw land  
hie beschriben/ America ge  
nant / ist gar naهندt als  
gros als ein vierdes teil der  
zangen welt innerhalb des  
festen ertreichs/ vñ hat den  
namen also enpfangē von einem vast  
namhaffte schiffheren des durchleüch/  
tigesten heren Ferdinandi/ Künig in  
Castilien/ welcher schiffherr/ Ameri/  
cus Vesputius genant was /darumb  
das der selbig Americus diß land vñ  
ersten erfunden hat / Im jar do man  
zalt nach der gepurdt Christi vnnsers  
heren/ Tausent vierhundert vñ siben  
vñ nūnzig jar. Vor welcher zeyt dise  
insel oder welt keinem mensche b. kant  
gewesen ist. Nun were es gar lāg solt  
ich alles von wort zu wort erzelen/ was  
der gedacht Americus da von beschri/  
bē hat/ würt hernach im andern büch  
weiter angezeigt/ Aber hie kurtz in ei/  
ner sum will ich die ding erzelen. Als  
nun Americus in dem gedachten jar/  
mitt aller nordurfft zu seinen schiffen  
versehen was / für er auß vff den xx  
tag des Meyens / schiffet also ertliche  
tag nach der Linien des windes Lu/  
beccy/ vñnd kam an ein starckes land/  
do ließ er werffen die encker/ vñnd die  
schiff also hefften / vff anderhalb meyl  
vñ dem gestade / Sarnach wapnet er  
sich mit seinem volck vnd für mit klei/  
nen schiffen von dem grossen an das

land/ vñnd so bald er an dz gestad kam  
ersahē er ein vnseglliche zal volckes/  
wib vñ man die alle nakend giengen/  
do von dan er vñnd die seinen nit klei/  
ne freud enpfiegen/ Sise nakenden  
leüt waren erschrocken/ ab irer gestalt  
vñnd bekleidungen/ deßhalb sye von  
stundan fluchend in einē berg/ naهند  
bey dem gstad/ vñnd möchten mit key/  
nerley dingen behalten werden/ weder  
mit zeichē des frides/ schenckung oder  
gaben. Also ließ der gedacht Ameri/  
cus seine schiff wider fürbas gon/ für  
an dem gestadt des landes zu sūchen  
ein sicherer ort zu behaltē seine kiel vñ  
schiff/ vñnd sahe on vnderlaß vil nack/  
ends volck vff dem land gon. Als sye  
nun funden ein sügliche statt die kiel  
zu hefften / giengē hin vff den schiffen  
samt xl mannē/ in schöner ordnung/  
mit jnen red zu halten/ Aber dz volck  
erzeiget sich zu mal wild vñ wolt irer  
aller kein fründtschafft habē/ doch brach  
ten sye ertliche herzu als vil als mit be/  
zwang/ schanckte jnen cūngende schel/  
len/ spiegel/ cristallin vñnd sollich ding  
das sye vor nie gesehen/ vñnd für seltz  
am hielten. Als sye nun dz befunden/  
machten sye fründtschafft mit jnen/  
Des andern tages kam noch ein vn/  
endliche zal des genanten volckes/ wib  
vñnd mann/ mit jnen fürende kinder/  
vñnd iren hußradt/ enpfiegen vñnd  
fründtlichen vñnd vermischten sich also  
vnder vns/ als ob sye allwegen bey di/  
sen frembden gesten gewonet herten/  
da von dan Americus vñnd sein volck  
vil ergetzlicheit enpfiegen. Vñnd diß  
volck gat alles nakendt on bedeckt/  
Seind alle zimlicher lenge/ schöner  
gliedmaß/ vñnd etwas gelbfarb als lö/  
wen hat zc.



TABVLA PRIMA NAVIGATIONIS ALOISII CADAMVSTI MEDERAM-INS-VERSUS





TABLA DE LAS CLIMAS



CLIMA I

CLIMA III

✓

## Von dē folk der nūwē welt

Sie weiber in dem forgeschribnē lant  
seind fast frucht par geberē leichtlich  
vñ ligend nit im kindbet wie die vn-  
seren/wan sie geberē/weschen sy sich  
vß einem wasserfluß/ vnd faren da  
vß wie ein fischli. Ire hewser seind ge-  
mein/erbawen ingestalt einer glocken  
mit grosen starken bomen vñ mit pal-  
men bletter bedekt. Eiliche seind so  
gros das vierhundert menschen dar  
in wonen. Ir reichthumb seind segel fe-  
dern mancherlei farb/Pater noster  
ringlin vß fisch beinen oder grünen  
seine gemacht/welche sie für ein zierd  
kenken an die kinbaken/lefftgen od ore  
Vnd der gleichen bei vns vnacht par  
ding/halten sie für reichthumb. Sie  
üben kein gewerb mit kauffen od ver-  
kauffen/achten u oder Gold oder Sil-  
ber/Berlin/gestein oder ander ding/  
Sie grest ere oder freuntshaft so sy  
den leuten erzeigen/ist/das sie ire wei-  
ber vnd tēchter/nach gefallen vß lei-  
hend. Wan einer stirbt/so begraben  
sie in vnd legen im speiszü/oder treu-  
ben sunst gar vil toechter bossen mit  
inē. Ir speis sein wurzle frucht krew-  
ter/vñ mancherlei fisch. Ander fleisch  
dan menschenfleisch essen sy selte/vnd  
verwündern sich ser dz wir vnser feint  
nit auch essen ic. Sa nun Americus  
vnd die seinen gnügsam diß folk's art  
gesehen/schiffen sie sie fur bas an dē  
land herumb vnd kamē nach eilichem  
tag/an ein port da sahen sie vff dem  
wasser ligen ein fleten/hielt ongeuar  
vff. 20. hewser/vor welcher hewser por-  
ten waren vff ziehend bruken/vñ eng-  
strasen da zwischen. Nun so bald die  
selbigē lewt ir gewar wurden/zugend  
sie ir bruken vff vñ verbargē sich in  
ire hewser. Sa sie nun diß ersahen/  
erschinand zū hand bei. 12. kleiner flos  
schiflin gegen in herkomen vff dē mer-  
die teilten sich zū ring vmb sie vñ het-  
ten gros verwunderen ab vnserer ge-

stalt/vnd wie wol wir inē vil zeichē d  
freuntshaft gaben/woltē sie dennoch  
vns nit vertrauen/fluhend in einen  
berg/vnd kamen bald widetm brache-  
ten mit inen. 16. iunkfrawen/welche  
sie alle in vnser schiff teilten dar ab  
wir nit klein verwundern hetten/als  
dan wol zū ermessen ist. Sie andern  
deten sich auch zū vns also das wir  
vermeinten sie weren vnser aller best-  
en fründ/Aber hette wir vns nit mit  
gewalt erweret/so hetten sie vns alle  
ymb bracht/da von dan garlang zū  
sagen were. Dar nach seind wir wei-  
thers gefaren/vñ aber ein ander volk  
erfunde. Sarnach da sein wir vff daz  
lant gegangē/durch wandert ein weg  
eins arm brost schuß weit/welcher sie  
zū den welden züher/vnd finden das  
eiliche hütten welche sie zū fischen vff  
gericht hetten/In disen hütten wa-  
ren grose feuer angezint/vnd buere-  
tend da mancherhand thieret. Auch  
haben wir gesehen da braten ein thier  
welches einem grosen schlangē gleich  
was vnd so wild das wir vns dar ab  
verwunderten/Als wir nun weiters  
giengen finden der selbigen thier vil  
gebunden/vff das sie niemās möchtē  
gescheidigen. Sif volk machet brot  
vß fischlin/Sie selbegen fischlin koch-  
end sie in wasser/zerstosens vnd tner-  
tens zū samen/vnd bachen brot dar  
vß vff einer glüt. Sefgleichen haben  
sie sunst mācherlei speis von frichten  
vnd wurzlen. Also seind wir mit inē  
gangen vnd kamen in ein dorff hielt  
vff ix hewser/haben sie vns entpfan-  
gen mit mancherlei bewischer er be-  
weisung/tanzgen/singē/hewlen auch  
mit mancherlei speisvnd köchs/dise  
nacht haben wir an disem ort gerüet  
vnd sie haben mit vns reichlich gereit  
ire weiber/welche vns so vngestim v  
stordet/das wir kum mit eren besten  
mochten/Als wir nun also da bliben

## Von Engelland

ein nacht vnd halben tag / ist kumen  
vnd alle forcht ein wunderbarlichs volk  
vns zü enpfahen / Vaten vns wir sol  
ren weitfers mit inen gon ire döffer  
zü beschauen / welchs wir geton / seind  
also mit inen vff . ix . tag gezogen /  
vnd sie haben vns vnsegliche eer ge  
thon / dar nach haben wir widerumb  
gekeret zü vnseren schiffen / vnd ein  
grose schar volks hat vns geleitet mit  
groser dienstparkeit / Also nach sibem  
tagen haben wir funden vill insulen  
vns genehert inen zü / vñ da gesehen  
ein grosen haufen volks / also habend  
wir vnser schiff versorget vnd seind  
an das land gezogen gefunden Nakt  
endvork vff vierhundert person weib  
vnd man / streitpar vñ wel gewapnet  
mit begen vnd spießsen / Als wir nun  
hin zü kamen / sprungen sie eilends in  
das mer / siengen wid vns an zü strei  
ten mit iren geschossen also dz wir nit  
gar zü land kumen mochten / deshalb  
wir genötigt wurden vnser büchsen  
an sie zü lasen / da vñ ir vil tod bliben  
die andern erschrecken von dem klapp  
vnd flukend da von danen. Als nun  
der next tag kam / zücht durch die in  
sul her ein groser züg diser lewt mit  
hörnern / waffen / vnd allenthalben  
mit federn gezieret / vast wunderbar  
lich zü sehen. Ylent s habend wir vns  
bedacht einweder sie zü frünshaft  
vff zü nemen oder fahen vnd zü tod  
schlagen / seind also in statker ordnüg  
vff das land gangen / vnd sie habend  
sich enissen ab vnserem geschütz / da  
haben wir iren . xxx . gefangen bei ei  
nem dorff / vnd ire hewser verbrant /  
vnd vnder vns ist allein einer erschla  
gen vnd . xxij . verwundet worden  
welche alle widerumb gesund worden  
Also haben wir die gefangne mit de  
ne die mit in dahin kam geteilt / vnd  
sie widerum heim geschicket in ir land  
vnd haben vns gewendet Hispanien

zü / das port Calitium erlanget im Oc  
tober des jars da man zallet . 1499 . da  
wir dan mit grosen eren vnd freiden  
empfangen worden. Da neben haben  
wir auch funden vil insulen / darin et  
liche ganz wüst / etliche voll sibischs  
grobs volks / da von gar lang zü sage  
were / aber doch nicht nutzlichs oder  
lustlichs / deshalb nun vonn disem  
newen land gnuog gesaget ist / bis in  
das ander büch etc.

### Vö der insul Engelland Cap.

**E**ngelland ein namhafte insul ge  
legen im Nidergengischen mer /  
also genant von dem künig Angola  
welcher nach hilff der Saxen die Tro  
ianer vñ diser insul vertriben hat / vñ  
also die selbigen vnd iren gwalt bracht  
Sise insul ist einer grosen weitze /  
dreieckichter form. Das volk in engel  
land hat glantz augen / eins schön  
angeficht vñ krade lengt. In kriegs  
kenden seind sie vnuerzaget / vnd  
sunderlich seind sie fast güte schütze  
Engelland ist auch reich an allen ertz  
en / gold / Silber / Blei vnd kupfer /  
treget güte berlin vnd vil agstein / Es  
wachset kein wein dar in / aber was  
man dar innen nit hat / bringet man  
über flüssig darein Sise insul hat ein  
eignen künig / grosmechtig vnd reich /  
welchem sein herschaft vnd volk fast  
vnderthon / deshalb man dan vil nüt  
kaffier thaten findet / so die Englis  
chen künig begangen haben / welche hie  
zü vil lang weren zü erzelen / wan wir  
hie nit ein Cronik beschreiben wollen.  
Das weren rechte künig / welche nit  
allein streiten vmb vil land / stet vnd  
schilt / vff das sie da her ziehen wie ein  
herold / sonds auch fur den stand der  
Christenheit / vff das das schiflin S.  
peters nit also iamerlich von den mer  
raubern dem itzigen Prophten vnd

hang/ versenket werde. D herren wir  
 sölicher künig vil es stünde warlich  
 bas dan es stet. Aber etliche herrē ver  
 meinen es were inen ein schand/ wan  
 sie auch geletzt weren. Warlich ich be/  
 sorg Aristotiles hab recht gesagt/ in  
 büch des gemeinen nütz/ da er spricht  
 ein vngelerter her ist eben wie ein esel  
 der ein kron vff tregt. Das ist nun  
 hievon gnuog gesagt ic.

Vom land osterreich. .3. Cap.

**A**ustria osterreich vor alten zeiten  
 die aber pannonia genät/ ein lant  
 dreier tag reis breit vñ sechs tag reis  
 lang. Siss ist ein edels ertrich mit  
 wasser weingarten/ holz/ äkern vñnd  
 aller fruchtbarkeit/ sölicher masse dz  
 diß land allein vill anderen lendern  
 gnüg gibt. Die Thünau flüsser mit/  
 ten da durch. Siss land hat sich nach  
 abgang irer hertzogen/ dem Römif  
 chen keiser beuolen mit etliche geding  
 da von nit zü schreiben.

Von Antorff. Caput. 4.

**A**ntuerpia antorff ein hoptstat in  
 Brabant/ vñ die fürnemste kauf  
 mans stat in rheinischem landt. Ein  
 stat wol vñd über die masen schön er/  
 bawen/ groß vñ auch vnsegllich mech  
 tig/ von Herren/ edlen/ kauffleuten  
 Geistlichen/ stiftē/ löstern vñd gemei  
 ner burger schafft. Es ist auch da der  
 aller schönste tempel/ fast werlich vñ  
 subtil gemacher/ desgleichen ein zier/  
 licher thurn in groser höhe erbawē/ di  
 ser tempel erklinget stetigs von lobli/  
 chem süßen gefang/ beherberget mit  
 grossem wert die gantz Music. Es ku  
 men da hin vill groser schiff/ geladen  
 mit seiden/ tüch/ gold/ specerey presili  
 genholz/ selzamer thieret/ Vögeln  
 mancherlei fischen/ mancherlei volk/

von Portugal/ Castilia/ Engelland/  
 Venedig/ Barbaria vñd allenthal/  
 ben her/ im andern weiter erzelt.

Von Strassburg. .5. Cap.

**A**rgentina strassburg ein hoptstat  
 im Elfaß/ gelegen am Rhein zw  
 schen beiden gebürgen/ in einer ebne  
 da vier schiffreiche wasser/ der/ Rhein  
 die brüsch/ die yll vñd künzig zü sa/  
 men kumend. Ober den Rhein get ein  
 lange brügk von eitelholz gemacht/  
 welche mit grossem kosten gehalten wirt  
 Von diser brügken bis in die stat ist  
 ein weitzer schöner platz/ wol vsoget  
 mit starken warten vñd wasser grebē  
 sölicher massen das gar kum möglich  
 neben rechter stras/ weder zü füß noch  
 zü roß für die stat zü kumen/ desgli/  
 chen ist zü ringumb allenthalben bei  
 allen porten gar weuliche vsicherung  
 von stießenden wassern/ hin vñd her  
 durch ein ander lauffende/ würt her  
 nach weyter erzelt/ auch bollwerken/  
 gütten vesten thürnen vñnd anderen  
 meisterlichen warten vñd weren. Si  
 se stat hat vor zeiten ein sylber grub  
 geheissen als sy dann noch in latin ge/  
 nant würt/ Aber darnach als sye kün  
 nig Attila von hungern zerstört/ vñd  
 die mauren zerisse das allenthalben  
 strassen do durch giengen/ ward sye  
 Strassburg geheissen als etliche wölu  
 len. Aber ich achte der nam kume da/  
 her/ dwe/ l diese stat ein stras ist in Lo  
 tringen/ Frankrych/ Burgund/ Lan  
 partenn/ Schwitzerland/ Buisgaw/  
 Schwabenland/ Niderland/ vñd al/  
 lenthalben hyn/ ligt mitten in einer  
 landstrassen zü wasser vñd land. Als  
 die gedacht stat von genantē künig  
 zerstört ward/ hat sye widerumb gebu  
 wen keiser Heinrich der ander. Sar  
 nach ist sy wider omb beleget worden  
 vö philippen dem Römischen künig

## Von augspurg albania ar menia

aber kein sig daran erlangt. Vor-  
mals hatt sye vil anfechtung erlitten  
zū den zeiten des heyligen lerers Jhe-  
ronymi als er dan schreibet in seinen  
episteln. Desgleichen im iar als mā  
zalt. 1000. 100. 98. ist sye gar nach  
vndergangen vō einem wasserbruch.  
Desgleichen da man zalt. 1000. 300.  
45. Fürther ist zū wissen das die stat  
Straßburg allenthalben wol erbau-  
wen ist / mit schonen lustigen hewfern  
höffen vnd gärten / So ist do ein tem-  
pel oder münster mit einem thurn so  
hoch vnd künstlich erbawen das wol  
zū achten es stande kein sollicher in di-  
ser welt / hernach auch weyter douon  
geschriben wurt ic.

### Von Augspurg das 6 Ca

**A**ugsburg ein schöne hochberim-  
pte stat / gelegen in schwabeland  
welche erstmals von Japhet dem sun  
Noe gebawen ist / an einem ort do die  
zwen starcken flüß der Lech vnd Sin-  
kelt zū samen komen. Sise stat ist da  
zumal geheissen wordē vndelica nach  
der landtschafft da zumal also genant  
Sise stat ist darnach etwas verderbt  
worden von kriegs weybern die man  
nennet Amazones / vnd hernach wi-  
der vmb besetzt von heyden / welche  
sy Zizaria geheissen nach einer göttin  
Zizan do von des ertreichs fruchtbar-  
keit wegen vff geworffen hetten. Als  
nun die statt also noch baß mit mau-  
ren vnd thürnen versichert ward / em-  
pörten sich die selbigen heyden allwe-  
gen gegen dem Römischen Keyser /  
der zū der zeit Octavianus August-  
tus hiesse / deshalb er gereyzt ward  
ein groß macht da für zu senden sy zū  
erobern / als er dann thet / aber erst-  
mals wurden im gar nahend alle sei-  
ne kriegsleut erschlagen vnd erlangt  
keinen syg / Noch dennocht lies er nit

ab / versücht sich baß mit einem streit-  
paren volk / erobert vnd besatz die  
stat / sterket vnd erbawet sy nach dem  
besten / vnd ward die statt also geheis-  
sen Augusta zu lob vnd eer dem key-  
ser Augusto / vnd darnoch von tag  
zū tag sich gemert vnd zugenomen /  
bis vff dise zeit ic.

### Von Albania das 7 Cap.

Sie land finstu alle in der Cars-  
tha / so du lustig bist magstu  
sie suchen vñ sehen an welche  
ort ein yeglich land liget.

**A**lbania heisset weiffz / empfahet  
Aden nammen von der farb ires  
volks / wann sye alle mit weysen har-  
geporen werden. Vñ Albania komen  
die bösen kriegs lewt die man Stra-  
dioten nennet. In Albania seind  
hund / sollicher grimme das sye ein  
Stier oder Löwen zerreißen. Das  
volk in disem land ist vast grob vnd  
ungezogen / hat nit vil güter narung  
lebt vast von milch vnd hirsen. Auch  
trüctend sye gern warm roß blüt.

### Von Armenia das 8 Cap.

**A**rmenia hat den namen erlangt  
Aer vō Armeno einem gefellen Ja-  
sonis / welcher mit versamleter gro-  
ser schar / dis land erobert / als er den  
künig Jasonem verlassen hette. Dis  
land ist gelegen zwischen den bergem  
Thana vnd Cantaso / streket sich vō  
Capadocia bis an das mör Caspium  
genant. Vñ einer seyten hatt es die  
berg Ceraunios / vff welchen die arch  
Noe bliben ist nach dem sindfluß.  
Siser Armenie seind zwo / ein klein /  
die ander groß / vnd seind in beyden  
christen / haltend das gesatz der kriech-  
en vnder dem gewalt der Tartaren.

Von Antiochia Das 9 cap

**A**ntiochia ein statt in Egipten welche Antiochus gepuwē hat/ beschlisset in ir tusent fünffhundert roßlöff. In diser statt ist vorzeyten Petrus ein bischoff vnd oberster priester gewesen / da ist großer handel vñ aller kauffmanschaft die man erdencken mag. Man bringt dohin Syden gold/sylber/allerhand specerey/Edelgestein/vñ in sonderheit grose schmaralden vnd Rubin.

Von Alexandria das 10 cap

**A**lexādr̄ia ein hauptstat in Egipten/ Ist vor der zukunfft Christi 300. .10. jar von dem großen Alexandro gepuwen worden. Dañ als Alexander zu Jonem Ammonē wandert in willen jne vñ künfftigen dingen zu fragen/ do hat er am widerker Alexandriam gepuwet vnd ein hauptstat der Egipten gemacht. Ir gelegenheit ist also gestalt das sich ire syten in die weitte strecken dauon noch vil geschriben wurt / vñnd ir gestalt angezeygt hyenit stat hat.

Von Assyria das 11 Cap

**A**ssyria ein lendlin also genant/ von dem sun Sem Assyro/ welcher zum ersten nach dem sündtfluß darin gewonet hat. In diesem lendlin ist erstmals erfunden der Purpur vñ damast/ auch vil andere ding die mā zu schonheit vñ pflanzung des leybs brauchet.

Von d̄ wüsten Arabia dz ir ca

**A**rabia deserta die wüst Arabia ein vnfruchtbars wüsts land vñ oberiger dorre vnd ruhen gebirgen/

da ertlicher tagreisen lang. In dem land ist gelegen der berg Sinay von welchem hernach gesaget würt an seinem ort.

Von der fruchtbarē Arabiē iz ca

**A**rabia felix /ist die selig oder fruchtbar Arabia / hat iren namen von Arabo dem sun Apollinis den er mit der frawen Babylon gemacht hat. In Arabia wachset vil Weichrauch/ Myrra/ Timit vnd andere wolriechende ding / deshalb sye dann selig genant worden. Es ist auch sunst in Arabia / alles das der mensch geleben mag / Wein/ Korn/ mancherley fisch/ vil schöner Cameltier/ Keffantē/ Ochsen vnd Schaff desgleichen mancherley metal / Gold Kupffer/ Silber / kostlich gewandt/ vnd allerley specerey.

Von Burgundia das 14 cap

**B**urgundia ein hertzogthum zwischē frenckreich vnd der Eyden/ gnoschaft gelegen. / In der gegene die do genat Celto gallia / ein fruchtbars nutzliches land von fruchten vnd allen dingen so man geleben sol / Deshalb dan̄ diß lendlin vil angefochten worden vnd bekrieget/ vnd wie wol es nach natürlichem rechten gehört an die loblichen kron Frankreich/ Das volk in Burgund ist allein zu arbeyt geschickt vnd nit zu kriegen.

Von Böhem das 15 cap

**B**öhemia Böhem ein land zwischen Hungern/ Beyernd vnd Poland zu ringomb mit einem wald beschloßen/ durch die mitte diß landes flüßet das wasser Albis genant/ Diß land treget vil wayßen vnd gersten/ hatt vil

## beyerland barbaria bamberg basel

vil weyd/vnd fisch. Sye hat wenig wein/aber vil Bier/welcher gütt ist. Das land hat sein eignen künig/haltet mancherley glaubenn/yeder mag glauben was er will.

Von dem Beyerland das. 16. ca

**B**auaria/Beyerland ein groß mechtig land von schonen flecken vnnnd stetten wol erpuwen. Ist erstmals zu Christen glauben bekert worden von Lutio dem künig in Engelland/vn geteilet in vier bischoffschumb/Saltzpurg/Passaw/Frissingen/Regenspurg. Hat den namen empfangen von den Bois die vß den frankreichischen gebirgen erwan da hin komē/vnd das land ingehaltē habent. Sif land hat vormals ee vnnnd es an das reich kōmen ist/ein eygnen künig gehabt/den selbigen allwegen Tacannū geheissen/zū gleicherweiß als die egippter ire künig Ptolemeum/Vnnnd die Parthier die iren Arsacē. Sarnach hatt es hertzogen vberkōmen/als es dann noch hat vff dise zeit.

Von Barbaria das. 17. ca

**B**arbaria ist ein langes land in Egiptrē an dem mōr gelegen/ein land aller reichthumb vnd kauffmanschatz voll. Barbaria ist als vil gesprochen als ein pürisch land/welches ein grobe vngeshobelte sprach hat/wie wol dis land nit also ist. Aber die hof fertigen Eriechischen parten/habē nit allein dis land also genant/sonders alle lender/doch hat die den namen also behalten/darumb das es ein teil an Eriechen land stoffet. Sifer hoffart gebrauchen sich noch heüt vff disen tag vnser poeten vnnnd meistersenger/in teütschem land/heissen (ein yede der nit auch kē ein Jotam oder Seltam

malen) ein Barbarū/das ist/ein groben übelredenden Kochersperger. Also hatt auch dis land disen namen empfangen. Barbaria beschleüßet in ir vil stett vnd herrschafften/welche gemeinlichenn alle dem Türken vnder worffen seind.

Von Bamberg das. 18. cap

**B**amberg ein berümpfte statt des Frankenslands mit dem flusß Redingz gereilt an einer fruchtparen art gelegen/Sifer flusß 8 Redingz nimpt nit ferre vnderhalb Lürmberg den flusß der Redingz genant in sich vnnnd gibt den Bambergischen inwoneren mancherley lusts vnd nutzparkeyt vö schicklicher schiffung wegen. Ob der statt auff einem berg liget ein festes schloß von natur vnd kunst vast wol versichert. Sise statt hat iren namē empfangen vö keiser Heinrichs rochter Baba genant/daber heißt sy Basenberg/wie wol man nach kurzent teütsch spricht Bamberg. Sise statt liget gar in lustiger gegne/vnd gesunden lufft. Hat ein closter heisset der Münchberg/in welchem vil heiliger marterer leib rastend/Auch ist da vil heyltumb/wie wol ich in diser zeit do von nit sagen will. ic.

Von Basel das. 19 cap

**B**asel ist als vil gesprochen als küniglich/Wann es so ein herliche lustige statt ist/das ein künig ein gepürlichen sitz do haben möcht in alle dingen. Auch habend vor zeiten künig vnd grose herrschafft da gewonet Sise statt ist gebuwen worden nach der zeit Abiase/hat vil vngemacher litten/vnd im jar da man salt. 1000. 300. 56. von einer erdbidem gar nahend vndergangen. Graff Rüdolff



## Von buda bononia babilonia corlica. XVI

von hapsburg hat sie auch mit krieg  
be engstiger. Sise stat teilet der Rhein  
in zweiteil/ ein teil heisset die groß stat  
das ander teil die klein stat/ vnd gett  
ein schöne steinnebrük vö einē theil in  
den andern/ welcher gleichen brücken  
man wenig in d welt findet/ die klein  
stat ligt im bischofftümb Costantz.  
Die groß stat hat eigen bischoff tūm  
ein löbliche groß stift/ welches keiser  
Heinrich gestiftet gebawen vnd be/  
gabet hat.

Von Buda. .10. Cap.

**B**uda zu thürsch ofen ist ein hoch/  
berümpfte namhafte stat des kün  
nigreichs vngern vnd ein sitz der kün  
ig da selbst/ am gestad der Thonau  
gelegen/ vnd hat iren namen enpfan  
gen vö Buda dem brüder des künigs  
Achile/ welcher dise stat erbawen hat/  
also fest dz gar kum etwas festers vñ  
wunsamers gefunden werden mag.  
Siser künig Achila hat auch seinen  
brüder Budā mit seiner eignen hand  
erdört/ darumb das sich die stat nach  
im genennet hat

Von Bononia .11. Cap.

**B**ononia ein alte stat in italia vor  
zeiten felsina geheissen/ aber dar  
nach vonn Bois dem frantzösischen  
volt/ Bononia geheissen wordē. Sise  
stat ist von den Römern mit der ictzi  
gen mauern ombfangen vñ mit reich  
tumb gehauert. Vnd nach dem  
sie getrayd/ wein/ vnd alle andere zū  
offenthaltig notwendige ding/ vber  
flüssig bringet/ ist sy darnach die feist  
Bononia genant worden.

Von Babilonia das. 12. cap

**B**abilonia ein hauptstatt in Cal/  
Bdea/ in welcher Belus / Nerosus

sun vil iar geregert hat/ Ist gepuwē  
vnd erweitert worden vñ mit gepach  
nen ziegelsteinen ombmuret worden.

Von Corlica das. 13. cap

**C**orlica ein insul welche die Mey  
lender ein anfang gegebenn ha/  
bend/ hat den namen also enpfangen  
von einer frawen Corisa genant. c.

Von Costantz das. 14. cap

**C**onstantia/ Costantz ein stat mit  
fast groß/ aber wolgestalt vñnd  
habhaftig. Bey diser stat fließt der  
Rhein vß dem See/ vnd kumet wider  
vmb in seinen fluß/ Alda ist ein prük  
von der statt porten über den Rhein/  
Ihenshalb der selbigen prücken / am  
andern gestad des fluß seind vil gepes  
we/ da ist der aller wunsamist see/ der  
hat allenthalben an seinem gestaden  
castell vñ züfert/ auch ein luters was  
ser durchsichtig biz vff den steinigen  
grund/ darin seind mancherley güter  
fisch/ Siser see ist. vij. meilen lang  
vnd eine breyt. Vnd so der Rhein Co/  
stantz erreicht machet er zwen see/ Li  
ner heist der boden see vñ ist der ober  
der ander / der vnder oder Celler see.

Von Cracou das. 15. cap

**C**racouia ein hauptstat des Po/  
lonischen landes / an dem fluß  
Weichsel gelegen / hat den namē ent/  
pfangen von Craco dem ersten hertzo  
gen in Poland welcher sy gepawet hat  
Sise statt ist erstmals mit hohen zin  
nen/ bollweken / vnd hohen thürnen/  
darnach mit einer nachgültigen mau  
ren/ vnd letst mit sendigen greben. c.


Hienach ist angezögt die gestalt die  
halb stat Calicut.

B iij

Das ist die stat Calicut



t eins teils angezeigt.



## Von Calicut vnd dem land cathay

Von Calicut das. 31. cap

**D**ie namhafte kauffmanstat Calicut/ ist gröser dann Lisbbona/ ligt lustig am wasser vnd an geböim/ vñ seind ire inwoner indianer chüste habend kirchen mit gloken/ aber keyn priester/ halten weder mess/ tagzyt od andere gottes dienst/ In irer kirchen ist allein ein gefes mit wasser/ gleich/ er weis als die weichwasserstein/ auch andere gefesse mit Balsam/ tauffen alle drey iar ein mal in einem flus nahe bey der statt/ die bewser seind gemacht mit kalk vnd steinen/ auch die gassen wolgestalt/ gleich als in welschem lande. Sise statt hat ein eignen künig den halter man in hohen eren/ Er haltet auch gar herrlichenn hoff/ hat vil diener/ vñnd ein überschönen palast. In diesem pallast ist ein über schönes gemach darin der künig schlafet/ der boden diser kamer ist bedeckt mit schönē samat/ die wende behenkt mit damasten mancherley farben/ darin stett ein bett bedeckt mit einer weisen decke/ vñ ob dem selbigen bett ist ein schöner kostlicher hymmel. In diser statt seind kauffleut on zal. Zu diser stat komen on zal vil schiff/ groß vnd klein vñ mancherley gestalt vast seltsam zu sehen. Sie Woren brün/ gen in iren schiffen korns gnüg dohin ein mensch kaufft brots gnüg für ein tag omb dre/ Quattrin. Da ist vil reiß/ ochsen/ kue/ milch vñnd ancken. Der künig isst Reiß/ milch/ buttern/ Ruckenbrott/ vnd der gleichen ding. trincket wein von den palmen bomen gemacht/ vs einem silbrin becher vnd rüret den mit dem mund nit an/ sonders lasset den wein hin infallen/ wie by vns die holzschreiterer thünd/ wann sye vs einem fleischlein trinken. Siser künig wonet in einem schönen wolge/

zierten sal/ als dann vorgesagt/ vnd get vnder vñnd oberhalb dem gürtel nakend. Vnd die scham hat er ein reines/ subtiles weisses bomwollen tuchlein/ mit gold gestickt/ das selbig hat er etwan manig mal omb sich gewicklet/ Vff seinem haupt hat er ein Ba. ret vö einem guldenen tuche/ In der gestalt als man den kranken lewtenn hüblein vff setzet. In seinen oren hat er löcher/ vñnd darinn hangen grose stuck goldes mit kostlichen Rubinien vnd Adamanten/ an den armē oberhalb den ellenbogen hat er armband vnseglig kostlich vö goldt/ gestein vñ Berlein. Hie gnüg dauon gesagt.

Von dem land Cathay dz. 23. ca.

**C**athay ist ein gegne in des grosen Chans land/ in einer ruhen groben art/ In diesem land seind vil wunderbarer seltsamer ding/ das volk wonet in hütten von schwarzem filz gemacht/ eren mancherley abgötter. In diser gegne wonet ein volck das haltet ein bruch das es kein blutt bedarff vergiessen/ weder vö mensch en noch siben/ vnd diß thünd sy iren abgott zu eren. In Cathay machet man die aller besten sydenwat/ vñnd gulden stuck die man gehalten mag in der welt. An Cathay stoffen vil groser wüsten/ welche niemants wol durchwandelen bedarff/ von wegen vil grusamer thieret so darinn wonent. Man funder auch da wunderparlich schnelle roß/ welcher eins ein tag ein solliche zal meyle gon mag/ das es by vns vn glaublich zu sagen ist. Sif land ist rich vö gold vnd edelgestein/ aber es ist gar so: glich darein zu kommen.

## Von constantinopel candia cipren chayro XII

Von Constantinopel das. 26 ca  
**C**onstantinopel die keyserlich wirt  
berümpfte statt ist vor zeyten Bi  
zantium geheissen worden ee sy der key  
ser Constantinus erweytert vnd ge  
puweit hat/dise statt ist so mit treffen  
lichen thürnen/zinnen/ vnd kostlich/  
en gepüwen gezieret/das sye nit vn  
billich Rom zu vergleichen ist. Sise  
statt ist dreyget vnd stoffet das mör  
an zweyen orten daran.

### Von Candia das. 27. cap

**C**andia ein insul in krieghenland  
vö dem glantz des volks also ge  
nant. Sise insul heist man auch Cre  
tam / zühet sich in der lenge Hundert  
vnd. 72. schüt/vnd in der breyte. 500  
Sise insul hatt ertwan Hundert edler  
ster gehapt/darumb sie dan auch Cen  
topolis genant worden / hatt zum er  
sten geschütz vnd rüder/ erfunde/die  
recht mit büchstaben beschriben vnd  
rütterey gelernet. Es hat sich auch in  
diser insul die schul d Music erhept/  
von den dactilischen götten.

### Von Cipern das. 28 cap

**C**iprus ein insul welche vor zeytē  
der göttin Veneri zü geeygnet  
worden/die aller namhaftist vö reich  
tumben/früchten/lustbarkeiten vnd  
was man erdenken mag / deshalb sye  
dann noch hewt züm tag voller müte  
willen vnd vnkeüschheit ist.

### Von Chayro das. 29 cap

**C**hayrus ein statt in Egypten  
vor zeiten Mephis vnd yetzund  
Alkeyro genant / ist vff .15. teütscher  
mylen weyt/ doch nit allenthalbē mit  
einer murē ombgeschlossen. Sif ist die  
aller berümpftsch statt in Egypten/

vñ an dem besten ort gelegen / welche  
der fluß Nilus gar nahend vmblauf  
fet / vil schiff mit mancherley war do  
hin leytet/ Sise statt ist auch Babilo  
nia in Egypten geheissen/ ein sitz der  
künig oder Soldan in egypten/ welch  
er da vff dise zeit wonet in einem wey  
then schon erbauwen schloß. So ist  
auch yetzund der Saracener fürtreff  
fenlichste/volkreichste wohnung/das  
erdreich ist fruchtpar / Wan der fluß  
Nilus begeüffet vnd machet frucht/  
par das ganz land / wann die Sonn  
in krebs geet. Bey diser statt ist der  
garten darinn der Balsam wachset/  
vnd komet do hin vß Calicut vnd vß  
allen orten Arabie vnd Indie manch  
erley kauffmanschaft/Sise stat wirt  
im andern büch weiter beschriben vñ  
figuriet angezeygt.

### Von Cabo de bona speranza dz. 30.

**C**abo de bona speranza zü teütsch  
ein ort von der guten hoffnung  
en also genant/darumb dz die schiff  
lüwt do sicher faren vnd lenden möge  
auch das sye da findenn süß wasser/  
holz / vnd alles was inen nott ist zü  
vffenthaltung vff dem mere. In di  
ser insul wachset vil zucker / vilerley  
frucht vñ mancherley thierer die güt  
zu essen seind / das volk ist grawfarb  
Es seind auch da vilerley papagallē  
groß vnd klein von mancherley far  
ben/Sise vogel seind vast lustig mit  
iren nesten zü machen / machen es vö  
bingen/kugelecht zü ringvmb ganz  
on allein an einē ort lassen sye ein loch  
das sye mögen vß vnd inschlieffenn.  
Dasselbig nest henken sye mit einem  
reinen widlein zu vorderst an ein est  
lein eines Sattelbams/dif thünd sy  
darumb dz inen die gewürm ire iun  
ge nit essen/ wan sye den selbigen gar  
geuär seind ic.

# cöln Denmark Damascē

Von Capouerd Sas. 23. Capittel.



**C** Apouerd oder Caput virid i ein Insul zü teütsch das grün ort genant / darumb das sye das gantz jar durch vß grün ist / von schönen grossen baumen. Ist vast ein schöne Insul / hat zwey gebürg. In diser insul wonend vil bauren vñnd ire heuser seind von Stro gemacht / stond alle nahend am mere vñnd am gesichte der die do für schiffen. Sie inwoner sind Woren von Senega. fischen vff dem wasser / Rauben einander vñnd schiessen vergiffte pfeyl. Vff disem grünen orte finder man dry kleyne Insulen nit weyt von dem lande / sind alle wüß vñnd voll grosser bome.

Von Colonia Sas 24 Ca

**C** olonia / Cöln ein hoch berümpfte acht pare stat in niderem teütschen land gelegen / hat den namen entpfangen von einem Troyanischen Colonus genant welcher sye züm ersten gepauwen hat. Sy wurt auch genant Agrippina von den Agrippina der

Kußfrawen des Römischen Keyser Claudy / welcher dise stat gewytert vñnd geauffet hat.

Von Satia Sas 25 Ca

**S** atia Denmark ein kaltes ruhendes land / hat ein eygner künig vñnd etliche namhafte güte stett / das volk ist streitbar vñnd lebet von ruher narung. zühet vil kleiner hübscher pferd welche man fer in andere land füret.

Von Damascen Sas 25 ca

**D** amascus ein haupt stat in Asyria welcher schöne vñnd edelkeit niemans gnügsam mag vßgespreche In diser stat wonend heyden vñnd mamaluken Nachomers glauben auch vil Christen vß kriechen landen. In diser stat ist ein vbertreffliche stark vñnd hüpsch castel oder schloß vß einem florentiner / der ein Mamaluk vñnd ein herr gemelter stat gewesen ist / vff sein eygner kostē anfenglich

erbuwen hat/ vnd die gülden das wa//  
pen der florenaner in Marmelstein  
gehawen / darcin lassen mauren / das  
man noch diser zeit an vil orten darin  
sicht. Es hat auch omb sich über groß  
vnd tieff gräben / vier starke thürn  
mit hangenden brucken / wol bewart  
mit grosen geschütz. Sa ist stetigs  
besoldet ein Castellann mit fünffzig  
Mamaluken / die alle da seind im na  
men des Soldans. Es würt auch  
fleissiglich geschütet / vff yedem thurn  
seind wechter die nit schreyen / sondern  
haben grosen trommen wie halbe fesser /  
daroff schlahen sy ein streich / vnd ein

yeder vff den andern thurn / antwur  
tet im mit der gleichen streichen. Wel  
cher aber sollich nit thete / der würde  
ein ganz iar in gefengniß behalten.  
Wann dan ein Soldan gestirbt vnd  
man ein anderen gemacht / so verleih  
et der selbig dise herrschafft zu Sa//  
masco widerumb einem andern vmb  
hundert oder zwey hundert Seraphi  
goldes / der schinder dann vnd raubet  
die burger vnd inwoner diser statt  
nach seinem gefallen / Wann zwisch  
en den mamalugken vnd heyde würt  
kein recht gehalten.



Vö der grosen wüste in India. 26. ca

India ist ein merklich grosse wü  
ste vö gebirg vnd vnfruchtbar er  
trich / durch welche wüste gar mülich  
vnd gar nahend vnmöglich zu ziehe  
ist / vö wegen grausamer thierer / wil  
der menner / vnd mangel der narung  
en. In diser wüste seind mancherley  
selzamer wunderwerk. Namlich kley

ne lütlin nur zweyer ellenbogen lang.  
Pime genant / welche im sübende iar  
kündlein machend vnd im zwölfften  
iar sterbend dise leütlin streitend alle  
iar wider die frensch / welche men gar  
vil schaden thünd. Bey disen leütlin  
wachset weisser pfeffer / aber doch von  
wegen der gewürm vnd ungezibel  
muß man in brennen / desßhalb er ey  
was in schwarz verkeret würt.

## Von etiopia ertfurt egiptē

Von Ethiopia. Ca. 17

**E**thiopia das moren land / ist getey  
let in zwey teyl / ein teyl gegen ori  
ent / stossende an das Barbarisch vnd  
rot meer. Der ander teil gegen nider  
gang. Vnd würt also genant vō Et  
hiope dem sun. Vulcani welcher dar  
über gehercher hat / gegen Orient ist  
diß land voller gebirg / sandig / vnd  
hat grose wüsten. Es ist mancherley  
volks dar in / schüzlicher vnd grusa  
mer gestalt. Das volk hat alwegen in  
groser fryheit / Zum ersten vffgericht  
die er der götter vñ opfer der kirchen.  
Sy haben zweyerley geschriefften / eine  
für die priester schafft / welche ein heim  
licheit ist vñ dem gemeinē volk vnuer  
stendig. Eine für das volk zū irē rech  
ten vñnd gebrauch aller handlungen.  
Wañ sy haben ein priester der nit wol  
by sinnen ist / den achte sy für heylig.  
Sy habē auch sunst mancherley selza  
mer sitten / Frem künig embieten sye  
grose eer / mit credentzen vnd güt alle  
ding / betten in an vnd halten in für  
heylig / vñ wañ es ist / das einer zū kün  
ig erwelet wurde der etwas mangel  
am lib hette / als nur ein aug / ein fuß  
oder lam were / so lassen sich alle seine  
güthen fründ auch also machen / Wañ  
sy vermeinē / so sy nit mit im mangel  
hafft werenn / were es dem künig ein  
schmach. Auch wañ der künig stirbt /  
habend sy für ein erlichen buoch / vnd  
ware zeügniß rechter fründtschafft dz  
sy sich mit im lassen verbrennē. Das  
gemein volk / von wegen groser hitz  
des landes / gent gemeinlich nackend  
on allein dz sy die scham bedekent mit  
einē schaf fel. Wie wol auch an erlich  
en orten / zymlicher masen frucht wach  
sen. Sz volk ist geschwind vñ schnell  
mag lauffen wie ein pferd. In disen  
landē sint mā on zal vil Lingebürn /  
Helffante / camel löparden / Basiliscē

groß Draken / vnd wider vnsegllicher  
gröse.

Von Erfurt Cap. 18

**E**rfurt die hauptstat im Thürin  
ger land / hat den namen enpfan  
gen von einē müller Erphes genant  
In sollicher weise. Vor zeitē stünd ein  
dorff an dem wasser do yetzund S.  
Andres kirch liget / Vnd in dem prül  
bey dem wasser Gera / welches yetzud  
durch die statt flüßet do stund ein mü  
le / die was eines müllers der hieß Er  
phes / Nun hatt der müller an disem  
ort ein furt gemacht / dz er mocht mit  
setzen vñnd andern dingen durch das  
wasser farenn. Als nun die statt an  
dasselbig ort gebawē ward / enpfinge  
sy den namen Erphes furt / vnd diß  
beschach do man zelet nach der geburt  
Christi. 400. 18. Zū den zeiten Clodo  
nej eins künigs in Frankrich / Soch  
ist dise statt vff das selbig mal nit be  
festiget wordē. Sonders erst hernach  
do man zellet. 1000. 66. jar mit mau  
ren vnd thürnen ombfasser.

Von Egypten land Sas. 19. ca  
würt gnügsam hernach beschribē  
vnd in figuren angezeygt.

**E**gyptus ein land / Welches vor  
mals Giria geheissen wordē aber  
nach mals von Egypto dem brüder  
Sanay (welcher do geregiert) disen  
namen enpfangen. Diß land ist gen  
teylt in zwey teil / In ober vnd vnder  
Egyptenn / Ober Egypten stoffet an  
der Moren land vñ heisset von vilen  
Thebaidos / Sz vnder Egyptē würt  
vō dem namhafte fluß Nilo vmbges  
ben / vñ geschicket in ein dreieket gestalt  
darüb es dann die kriechen delta nach  
irē dreieketen büchstabē Delta / genen  
net haben. In disem lan regnet es ni  
mer / aber wann die Sonn in den  
krebs get / flüßet der Nil über das ert



reich vnd machet es wunderbarlichen fruchtpar/darumb es dan mit mancherlei fruchte vil anderer land speiset Auch ist da so grosser gewerb vnn kaufmanschaft/ als man in der ganzen welt finden mag. Die völker haben mancherlei seltzamer sittē vñ aber glauben. Errent vil göter/ auch etliche thier/ als ein Katzen/ ein Hund/ ein habich/ ein stork/ ein wolff/ vñ einē diese ding etwas götlichs zū sein/ vnd welcher mit geuerde diser thierer eins totet/ der würt vō stundan/on alles vntail iamerlich ertodt. Desgleichen so treibend sie gross fest mit dē abgestorbenen menschen/ bereitend die corper dz sie lange zeit nit mögen faulen/ vñd wann einer schulden halber ein gross pfand inserzen will/ so gibt er im seinen todten vatter oder andere totten corper/ für sollichs pfand.

Von d' Eidgnoschaft. Sas. 30. ca.

**E**idgnoschaft ist ein land/ gelegē in dē bergē vñ schrofen da d' reut entspringet. Siss landt hat ein dapfferes volk man vnd weib/ von form/ vnd gestalt/ vast hipsch/ stark vñd gwaltig/ Siss volk ist vast streitpar/ aber da mit einfeltig gürtwillig vnd gegen fremb dem volk gürtige. Sas erreich diß lands ist gar nabent vñ fruchtpar/ hat vil groser see/ pfügen fließende tosende wasser/ vff den spitzen d' hohen berg/ zühēt es vil schöner fruchtparer kñe/ welche nit anders dā gürt gras vnd gesunde krutzer essen/ da von das volk grose menge milch vnd anken machet zc.

Vom frankenland. Sz. 31. cap.

**F**rankenland ein teil des teütschē lands/ ein gegenewelchs mit dē en welden vnd scharpfen bergen vmb

geben ist/ sollicher massen das man nit wol darein kumen mag/ diß land ist inwenig eben/ hat vil wol erbunestert vñ schlösser/ Es flüßt dar durch der Wein/ die Sal vnd die Tubernächste wasser/ Sie teler da durch diese wasser lauffen seid breit/ die berg zū beider seiten mit schonen wein reiben gepflanzend welche über die massen edlen wein tragend zc.

Von frankfurt. Sz. 32. capi.

**F**rankfurt am Wein ein schöne wol erbawne vnd lustliche woll gelegne stat/ hat vor zeiten den namen entpfangen von den franken vnd ist ein port vnd kaufmans statt in ganz zē teütschem land. Wan zwei mal in iar namlichen Wertzen vnd herpst/ mendt/ da hin kumer vnsgleich kaufmanschaft von aller war/ vß dem nider land/ vß vngern/ Behem/ frankreich/ Italien/ Also das es vnsgleich ist zū sagen. Ser mein teilet die stat in zwei teil/ vnd get von einem teil in das ander ein schöne wollgebawene steinine bruck. In diser stat wonend vil iuden/ habend ein eigne gassen in Sise stat ist auch in aller fruchtparkeit vnd völe d' erden gelegen zū ring umb/ also das man wenig findet die ir gleiche t.

Von florentz. Cap. 33.

**F**lorentia die fürnemiste stat in Etruria ist gebawē wordē vō dē felusianern an dem gestad des fluss arni/ vnd haben sie die alten fluenti/ am genant/ nach dem sie aber anglük seligem wesen andere stet in der selbigen gegne angefangen über treffen/ vnd ir gewalt vñ vermögen keitsich vßgespreit/ ist die genat wordē florentia ist ein bliende In diser stat sein vffer

## Von dem land fesa

Halb andere vnglaublicher zierden  
ein berimpfte küncklich mit einē vast  
werklichen gewelb gezieret/ vnd in der  
ere der hochgelopte iunckfrawen Ma-  
rie geweiht/ Es ist da bei ein hoher  
palast/ darin die obern des regimen-  
tre wouung haben/ Es ist auch über  
die masen ein köstlicher tempel denn  
man nennet Baptisteriū/ in welchem  
der zeigerfinger/ Johannis des tau-  
fers Christi ingrosen eren gehalten  
wirt. An disem tempel seind die por-  
ten alle von glotenspeis gegossen vñ  
darein gegraben die historie des new-  
en vnd alten testaments/ vñnd nach  
de aber florentia ein blüm alerwelch  
en steit genant wirt/ hat sie vfferhalb

hupsheit menner in allem geschleche  
der tugend firtreflich gehapt/ nam-  
lich zwen peeten dantem aldegerium  
vñ franciscum petrarcham/ Item io-  
thum den weich berümpften maler/  
Accursium den hochglerte Juristen/  
vnd vflieger d weltlichen rechten/ Ta-  
deum ein hochberimpfter artzet Leo-  
nardum arcinum vnd poggium die  
welredenden humanischen. Das feld  
dar in florentia liegt tragt vast gute  
wein/ allerlei frucht die man erdenken  
mag/ deshalb gar an allen dingen ke-  
mangel da ist/ dan allein das die weis-  
ber klagen/ die man wollen nit in rech-  
ter herschafft weisen.



Vö de künigreich fesa. dz. 34. c.

**F**esa ist ein künigreich gelegē inn  
Affrica nit fer vö de atlantischen  
mer/ vnd hat ein schone wolerbawne  
hoptstat welche auch fesa genant wirt

vnd in diser stat wonet allwegen der  
künig fur den muß man vff den knie  
gon/ in disem land ist das folck alles  
grafar get zū teil bekleidt mit weiser  
reiner leinwat/ ziert sich vast mit schö-  
nen berlin vnd gold.

Wachomet ist ir propheet an welchen sye glauben/ Siß land ist voller güten frucht/ vnd ein kornlein das man in das ertreich seet / bringet hundert kornlein / da seind auch mancherley nutzliche thierer/ vil gefügel/ vnd vil güter porten an dē mö:/ welche alle dē land fessa grosen nutz bringent. Ser künig würt in grosen erten gehalten/ vnd die seinē betten in an/ Niemandts bedarff für in gon dann vff den kneyswen. Sein wonung ist gezieret von gold vnd kostlichen tünchen über alle massen.

Von Gallia das. 35. cap

Gallia zu teütsch frankreich / ein schönes land wietß vñ breit/ diß land hat ein eignē künig/ namhaftts vnd redlichs alts herkomens/ welches macht vnd gewalt vil keysern vnd andern künigē zū stark gewesen ist / als dann vil Cronicken clärlichen anzeygend/ Siser künig haltet hoff in der hauptstat des landes Paris genant/ vñ welcher hienach gesagt würt / hat da selbst gar ein herrlich regiment/ mit dapferen weisen leüten besetzt/ haltet güte gerechtigkeit vñnd ein sicher frey land. Das land heisset gallia vñ dem glantz vnd weisse des volkes/ wann das volk alles / weib vñnd mā gar schon seind/ auch sich teglichs flisset zū pflanzen vnd zū ziere mit schönen reinen kleydern vnd allen dingen die den leib beschönend.

Von Grecia das. 36. cap

Gretia krieckenland / ein weythe gegene welche in ir begreiffet acht herrschafft / Salmarien/ Epinum/ Hellados/ Thessalien/ Macedonien Achayen/ vnd zwo insulen. Candien vnd Cicladen. Siß land ist vnder/

woffen dem Türken / hatt aber doch mancherley glauben/ Es wonent darinnē Juden ein grose zal/ vil machometaner/ aber das krieckisch volck ist Christen gar nahend schier vff den Zuterschen schlag / on allein das sye etwas standthaffter seind im glauben/ vñnd nit so neidisch vnd vffirisch/ brechend auch ir gelübte vñ eyd nit so leichtlich als etlich vßgeloffne münch Gretia ist ein hoffertig volck ye vñ ye gewesen/ vachter alle lender der gantz en welt/ vñ schubet im allein alle weisheit zū/ vñ daher ist auch das vnkrut kommen in vnser teütschland / keiner mag yetzund wüßend geachtend werden/ er sey dan ein grecus/ vñnd künne an ein wand mit kreiden schreiben *καὶ εὖ εὖ* gleich ob des menschen wissenheit in einer sprach/ vnd nit im verstand stecke it.

*got lob de  
seyn wort  
den vngel  
lygen ang  
vnd für v  
zen vlyp  
frucht für  
fide vñ  
vñnd  
loßperck*

Von Guzerath das. 37. ca

Guzerath ein landtschafft in In- dia hat vil stett vñ Castell/ auch vil mechtigs volcks / seind alle kauff- leüt. Sy betten an die abgötter/ soñ vnd mon/ auch die künw / vnd wan ein ner ein kün zū todt schläge / müste er zū hand eins ubelen todts sterben. Sye essen kein ding das lebendig gewesen ist/ vñnd den todt erlitten hat. Sie trincken kein wein/ vñ seind vast weise leüt. Sie seind auch als grose zauberer / als man sy in der welt finden mag. Sye haben alle bärte / vnd vff irem haupt tragen sy vast schöne hüt. Mit einer frawen seind sy vernügt/ halten sich keüsch vnd gemess in allen dingen. Ir hauptstat heisset Cambaya/ ist vast groß vnd hat vil volks vnd über die massen kostliche wonungen. Vor alten zeiten was ir fürst ein heyde/ aber yetzund ist er ein Machometaner.

C

# Von genff hibernia hispania

## Von Genff. Sz. 38. Cap

**G**ebenna Genff ein namhafte  
Kauffmans stat in Sophoy geles  
gen welche der keiser Aurelianus ge  
bawen hat/ dise stat ist nahend bey dē  
Lidgnossen gelegen/ an einem schö  
nen grossen see welcher vß dē fluß Ro  
dano flüßet über welchen ein köstliche  
Hülzine pruk get/ die stat ist dē hertzo  
gen vō sophoy vnder thon. Sise stat  
ist von wegen irer schöne vnd grose/  
auch der burger menige/ ein gewerb  
stat vnd kauffhaus des ganzen Sop  
phoischen landes worden/ da hin dan  
vō manigfaltiger mess wegen/ vnzal  
vil reichrumb gebracht wirt.

## Von Hybernia. dz 39. cap.

**H**ibernia ein insul in dem nider  
nacht gelegē. In diser insul mag kein  
schädlich thier leben/ vnd ist aber doch  
das ertreich fast fruchtpar vnd d lufft  
des himels gürtig. Das volk ist grob  
peurisch vnd grausam/ achtet schand  
vnd tugend eben gleich. Der menner  
grose kunst ist das sie streitpar seind/  
in diser insul ist ein hol in einē closter  
heisset S. Paricius segfower in wel  
chem vil wunder vnd grausamer ge  
schichten gesehen worden sein.

## Von Hispania. dz 40. cap.

**H**ispania ein land am Nidergen  
nigischen mer gelegen/ welches ert  
reich alle frucht vnd nutzparkeiten so  
man erdenzen mag bringet/ den aller  
besten wein also stark das man in nit  
wol trinken mag von sterke/ gürt kom  
vñ getreit/ mächerley frucht der bon  
vñ aller hand gemeinschafft der tierer  
zam. vnd wild. Sefgliche gold silber

berlein vñ edelgestein/ da ist gar keyn  
mangel/ das saltz bedarff man do nit  
vß dem wasser sieden/ sonders grebt  
man es also gantz auß der erden.  
Durch diß land fließend senffte nutz  
liche wasser/ der lufft ist milt/ vñno  
durch alle ort ein gürtiger himel. Das  
volck in Hispania ist eins harten ge  
müts/ begert alwegen zü kriegen.

## Von Würzburg das. 41. ca

**H**erbipolis ein berümpfte stat im  
franckenland/ an dem fluß des  
Meyns gelegen/ der in den Behemis  
schen gebirgen entspringet/ Sise stat  
hat die abgöttin Sianam geert/ bitz  
vff die zeit des heyligen bischoffs S.  
Kilians/ welcher den hertzogen vñnd  
das volck diser statt zü Christlichem  
glauben beheret/ Welches hertzogen  
sun vff dem berg zü Würzburg die  
erste kirchen in der Er Marie der ge  
benedeyten junckfrawen gebuwē hat.  
Der bischoff zü Würzburg wirt ein  
hertzog des franckenlands geheissen.

## Von Eliopoli das. 45. ca

**E**liopolis ein namhafte stat in  
Egypten gelegen/ zü reutisch der  
Sonnen statt genant/ wann die hitz  
der sonnen da so gar groß ist zü etlich  
en zeiten das es kaum zü glauben ist.  
Sise stat ist vast reich an gold vñnd  
mancherley kauffmäschaft/ aber der  
boden ist nit fast fruchtpar von wege  
überiger döire/ vnd dz der Nilus da  
nit so ein gewaligen vßgang hat als  
an andern ortē in egypten/ als hyeuor  
in disem büch angezeigt ist/ das volk  
ist vast schwarz/ vnd getnackend/ on  
allein vmb die scham bedeckt es sich  
mit seyden oder leinwat. Sie menschen  
werden da gar selten alt. In diser  
statt sieht man teglich on zal vil Ca

meltlicher vß vñnd in gon wasser zu nordürfftigen dingen tragenn. Sa sicht man mancherlei sib intreiben zu narung der menschen / grosse hãm/

mel wie die oxsen bey vnns sein / das volck ist vast begirig milch zu trinck/ en / wann die selbig kület vñd setiget sye wol.



Von Canibalen das. 43. ca.

Die Canibali seind ein grimmes schützliches volck / sehe huns köp fen gleich dz eine grauser d sy ansicht. Vñd habend ein Insul innen / welche Christoffel Sauber vñnn Janua bey Kurtzen jaren erfunden hat. Dife Insul ist vast groß vñd hatt vil anderer insulen omb sich zu gering omb / Die Canibali gond alle nackend on allein das sie sich zieren mit Papagallen federn mancherley farb / seltsam durch ein ander gewircket / Ire heüser seind vffgerichte hölzer / vñd oben mit palmenblätter bedecket. Sif volck iset nichts lieber dan menschen fleisch / vñ darumb so faren sye oft im iar vß in

andere vñbligende Insulen lewt zu fahen / vñd so sie fahen junge knab / hauwen sie vñnn stunden an vß wie wir den hãmelen thünd / vff das sye feist vñ dester besser zu essen werde / die alten ertöden sye vñ essen ir inge weid / das ander fleisch henc Kent sye vff wie wir den schweinen thünd. So sye aber frawen fahent / seind die selbigen jung / so behalten sy die / das sy vil kinder machenn gleich als wir die hennen vñnd der ey er willen. Seind sye alt so habend sye die selbigen für gefangene zu irer dienstbarkeit vñnd arbeit. Sye essen auch da neben / Gens / Entchen vñnd Papagallen / welche sye vast groß vñd hüpsch hab / ben / ziehe die selbige in iren welder

## Von Canarie

also heimlich das man sy mit den henden fahen mag/ Wan diser grimmen menner .10. kumen in ein insul so geweltigen sye mer dann Hundert menschen/wan sie seind vast stark vñ dar zü wol gerüst mit geschütz vonu spießen. Von irer grimme vnd boßheit ist nit gnüg zü sagen / sye fecten vff dem land vñnd im wasser so sye schwimmen/ Ir pfeil so sy schiessent/salben sy mit einer giftigen salb vñ weñ sye einen da mit treffen. der müß von stunden an sterben. Sise insul hat sunst nit vil selzams ding dann vast grose heid ölein / wie bey vnns die kelber.

### Von Canarie das .44. cap.

**E**sligend im mer ihensit der mit nechrischen linen nit fer von dem starcken ertreich .10. insulen Canarie genant/ oder glückhafte von ertlichen geheissen/ vnd in den sibnen wonent lewt/in dieyen keine/von den ingewönte insulen heist die erste Lanzarato/die ander fortuentura/die dyt granthamaria/die vierd Teneriffe/die v. Siemera/die vj palma/die vij ferro Vnd vß disen. vij insule halten vier die Christen/ vnd drei die heyden inn Der her diser insulen ist genant ferrara vñ ist ein Edelman vß der statt Sibilía/dem künig von Hispania vnd woffen. Sie speiß so die Christen da selbst mögen gebaben/ist brot von gersten/fleisch vnd milch gnüg/vnd sunderlichs geißfleisch/sie haben nit wein oder korn/wen man es vonn andern orten nit da hin bringt. Inn disen insulen findet man vil wild esel auch ein krut orisello genant/ mit welchem man willine tücher ferbet/auch findet man da ein sume güts leders

das man nennet Corduan das man zü land bringt/ vil vnsehlit vñnd gütkes/diß inwoner diser insulen haben vnderscheid drey sprach/vñ merket ein ner den andern gar kum/dise insulen haben kein ster allein döiffer vnd wönungen in den bergē welche fast groß vnd starck seind/söllicher massen mit porten vnd gengen versorget das mensmans leichtlich sollliche ir wonung in nemen oder erobern mag/die kleinste vnder den vier Christen insulen hat in irembegriff .xc. meilen/die andern drey da die heyde inwonen seind vast vil gröser vnd so wol versorget dz sie niemans bezwingē mag. Die Christen in den vier insulen haben die gewöheit dz sy vnder weilen vnuersehener sache nachtes mit iren schiflein fallen in die insulen der heyde/fahen da als vil sye mögen weyb vnd man/schicken die selbigen in Hispanie/vnd verkauffen sye vff das mor. Auch behalten sie ertliche/die müssen inen ire geissen stechen vñnd schinden vnd fleisch machen/wan metziger zü sein halten sye vast für ein schönöd handwerck/als es dan farlichen ist. Wer haben dise leüt in disen insule ein andere gewonheit/wann ein neuwer fürst anster/so ist einer do der erbeit sich zü sterben zü eren vnd trümpf dem neuen fürsten/vnd also get das volk alles mit disem an ein tale dz vast tieff ist/vñ so er gethö hat sein er erbietung vñ ertliche wort/fallet er hinab zü kleinen stücken/das thün sye darumb dz sy wöllen ermanen den fürsten das er auch sein leib vnd leben für sye wöllen setzen/wann es von nöten sey. Sise leüt seind vast gütre springer/springent barfuß in den bergen von einem schrofen vff den andern wie die gemusen/vñnd seind in allen dingen vast geschwind.

Von Italia das. 45. cap

Italia ist ein land des sich Europa wol berüme mag / Wan sage was man wölle von allen lenden vnd der ganzen welt. Kein ding ist Italien zu vergleichen / der luft ist gürtig vnd senfft / das erreich fruchtpar / an den aller edlesten Weinen / getreyden / Olibomen / Granatapffeln / Pomerantz / en / Liunonen / Milunen / Chisomil / len / Feigen / Mandeln / vñ aller fruch / ten der baum / Sessgleichen an wel / den / wun / weyd / wassern / fischen / fies / hen groß vnd klein / Gewild / vnd al / len dingen die man erdenckenn mag. Sabej hatt diß land die aller bestenn porten des meres / an welchs vßlendet mancherley vßlendige war. Das volk diß lands ist in allen dingē wif / güte sitten / vnd wolgezogē / will man habē kunstreiche leür in allē geschlecht der kunst / so findt mans kaum bas dann in Italia. Es sey in göttlicher geschriffte / In beyden rechten / den frei en künsten / der philosophē / pactry / In handtwerken die fürtrefflich ge achtet werden. Was soll ich sagen / vñ ser teütschen humanisten oder andere vermeinen es sey inen niemans gleich vff erden in Lateinischer vnd kriech / ischer zungen / aber warlich man fin / det in Italien ein junges meidlein dz gebe inen zeschaffen. Sessgleichen wil man haben betrachtig gemeins nutz vnd handhabung der gerechtigkeit / süch mans nur in Italien. Will man schawen schone vñnd von vorteil wol erbawne stett / Castell vñnd schlösser / man süch sie nur in Italien. Das land hatt aller zeytlichen gabem kein mangel / gold / silber / aller ertz / warm brunnē für mancherley siechttag wun / derparlich. Ein schönes volk / gerade man vnd noch vil schöner frauen ic.

Von Ianua das. 46. cap


Ianua ein berühmte stat an dem ge / lstad des Ligurischen meres gelegē von Iano einem künig gepuwē / Siß ist ein port vñ kauffhaus in Liguria hat deshalb also mechtig zu genomē / das sie vß erobrung grose macht vñ krefft / an zu gang der schiffung / vnd an fast hohen gepüwen / vnd allerley andern zierungen / gar naßend alle an dere welsche ster am mör gelegen über triffet.

Von Judea das. 47. cap

Judea das Jüdisch land / von den künigen des geschlechtes Jude ge / nant / ist vormals Chanaan genant worden / vnd begreiffet vnder im Pa / lestinam / Siria / Gallileam vñ Sa / mariam. Siß land habend vor zein / ten geregirt die Juden / vnd Moses ir hertzog hat inen das selbig verheis / sen / gesaget er welle inen eingebē ein land dz da fließe vō honig vnd milch aber hette es iez wasser gnüg es were wol zu fridē. Es schribend vil vō der reichumb vnd fruchtparkeit des lan / des / aber warlich es ist ein verdorbē ellends vnfruchtpars land / vñnd ge / pürte noch hewt zum tag wol / so man ye juden haben wolte / das man sye in ir gelobt land thete. Iherusalem ist die hauptstat in disem land vnd mit / ten darinn gelegen / ein zerriffine ver / derpte stat mit finstere nideren Sa / turnischen heüfern erbawen / do sieht man noch den tempel Salomonis in grosen eren gehalten von dem Türk / en / vñnd kein Chrißten bedarff dar zu genahen. Auch sieht man das grab Christi / de ölberg / vnd die statt da er gekröniget worden sampt dem haufß Pilati vnd vil anderen dingen.

# Von Java Litua

Von der Insul Java das. 48. Capitel.



Java ein grose insul gegen mittag  
I gelegen wirt geteilt in acht teil/ vñ  
yedes teil hat seinē eignen künig. In  
diser Insul ist ein grose vile specerey/  
vñ vil ding die in vnseren landen  
noch nit gesehen worden seind. Sas  
erst reich diser Insul heisset Farlachi/  
vñ mit den leuten darinn werdend  
die Saracener/ des halb so habend sy  
den Nachomet vffgenommen/ die so  
an dem mör wönend. Aber die ander  
ren so an den gebirgen wönend / ha  
bent kein gesatz/ lebē wie das sich/ vñ  
was inē morgens zum erstē begegnet  
das bettē sy auch den gantzen tag an.  
Sye essend fleisch von allen thieren/  
doch habend sie mer lust zū menschen  
fleisch. Sie leut in diser Insul seind  
vast grausam/ habend ein gebrauch/  
wan einer krank wirt/ das sy zū hand  
beruffen etliche ire meister / fragend  
sy ob der mensch möge gesund werdē/  
Vñ so machend dan zū hand die sel  
bigen meister ire zauber/ vñ sagend

den freunden vñ stundan ob der siech  
vffkom oder sterbe. Vernemend dan  
die freünd das der krank sterben soll/  
beruffen sy von stundan die hecker/  
die komen vñ erstechen den kranken/  
Sann so nemend die freünd den leib  
braten/ siedē vñ essen in/ sprechende/  
es sey erlicher dan solt er faulen.

Von Litua das. 49. cap.

Lituania Littao dz ist ein weyte  
L gegne / stoffet an das Polonisch  
land/ vñnd gar nahend zū ring vmb  
steig vñ voller wald. In diß land ist  
nit leichtlich zū komen zū sumers zei  
ten/ aber zū winter zeit fert mā vff  
schlitten darein über die gefroznē see/  
vñ also faren die kauffleut dahin im  
winter / vñ sehent sich vff vil tag mit  
speiß/ dann sie vff disem weg kein her  
berg finden. Die gröste kauffman  
schafft so in Littaw ist/ ist belz werck/  
Zobel/ seß/ lassēt vñ der gleichen.



Von Lubeck das . 52. cap.

Von Lifzbona das. 50 cap

**L**ifzbona ein hoptstat/königlich,  
 Ler vñ port des meres in Portugal  
 ein grose wolerbawne stat/ welche mit  
 vnbillich ein fürstin des meres genens  
 net werden mag / wann ir künig mer  
 herschafften/ Insulen vnd güte nutz/  
 bare lend hat weit vnd breyt vff dem  
 möz/ dann kein fürst der welt/ Solt  
 ich nun erzelen die new erfunden insu  
 len/ so er erst bey kurzten jaren hat las  
 sen sūche/ Ich hette lange zeit zū schaf  
 fen/ wie wol vnd ich der selbigen erlich  
 beschreiben vnd noch hernach beschreis  
 ben würd/ Zū dem ist dise stat vff ei  
 nem so fruchtparen boden gelegen dz  
 es mit wol zū sagē ist. Sa findet man  
 den aller besten wein/ das beste brot/  
 allerley fleisch so man geleben mag/  
 vnd aller hand frucht der bom in gro  
 ser vile. Sa sieht man teglich vil  
 groser schiff/ mancherley selzamer  
 war von fern landen/ Specerey edel/  
 gestein/ Papagay groß vnd klein/ af  
 fen/ Katzen/ Selzame menschen/ wel  
 che da vmb ein klein gelt verkaufft  
 werden.

Von Lyon das. 51. cap

**L**yon ein schone stat in Frankreich  
 Landen zweyen fließende wasseren  
 Arar vñd Rhodano gelegen. Sise  
 statt ist ein kauffhaus des frankrich/  
 ische landes/ vnd haltet man jätlich  
 gar treffenliche messen da/ mit groser  
 freisheit vnd dapferkeit. Sif stat ist  
 reich vnd hat aller ding so mā erdent  
 en mag grosen überfluß/ Auch schon  
 vnd wolerbauwen/ als das die künig  
 ye vnd ye gar gern da ir winterlegüg  
 gehapt haben/ Vnd was hie vor von  
 andern gürtten stetten gesaget/ findet  
 man alles in groser vile zū Lyon.

**L**ubeck ein durchleuchtige statt in  
 Saxonischem land ist anfenglich ge  
 puwen worden von einem saxonischem  
 Hertzog wickboldus genant/ dise stat  
 ist fast schön/ suber vnd rein von bey  
 den sytten ab der höhe gegen der mit  
 tel gesencket/ also das die wasser vnd  
 vnfauberkeit frey ab fließen/ vñ von  
 vilfeltigē regen die strassen vñ gassen  
 gantz gereineget werden. Gegen mit  
 tag am end diser stat liget die thüm  
 kirch fast lang vnd hüpsch gepawen/  
 Sa seind auch vier pfar kirchen mit  
 sibem hohen spitzigen schonen thürne/  
 mit kupfer vnd bley gedeket/ vñd zū  
 oberst mit gold geziert/ Es seind da  
 zwey closter prediger vnd barfüser or  
 dens/ vñ ein loblicher spital.

Von Lipsig das. 53. cap

**L**ipsig ein schone stat in Weisen  
 gelegen/ vast reich an allen dingē  
 vnd voller schonen volcks. Sa ist ein  
 lobliche hohe schül gewesen. Er vñd  
 der Luther Wisen mit seiner Poete  
 re/ verwüst hatt/ welche dahin komē  
 ist von Prag der stat in Böhem.

Von Magdeburg das. 54. ca

**M**agdeburg ein stat in Saxon/  
 Man dem fluß der Elbe gelegen.  
 Sise statt ist ein ersamer stül d keyser  
 vñd bischoff/ in drey refieren geteilt  
 vnd mit zinnen/ vorweren/ erglern/  
 thürnen vnd graben befestiget / vnd  
 grosen herlichen hüßern/ hüpsche gas  
 sen / vnd weiten schonen tempeln ge  
 zieret. Keyser Carolus hatt da ein  
 edels bischthumb vffgerichtet. Die  
 saxon erretten zū der selbigen zeit die  
 abgötter vnd der genant keyser tribe  
 sy da vō mit grosen gewalt vñ lange  
 streit/ als die geschicht bücher sagen.

# Von metz mentz münchen meyland

Von Metz das .55. cap.

**M**etz ein alte stat in frankreich gelegen/hat iren namen von de Römer Metis empfangen/der sy gebawen hat vnd vff gebracht hatt/di/ se stat liget an den gestadē zweyer/der Mosel vnd Sellen ist volkreich/vnd hat ein löblich bischoffstumb. Sise edle stat ist an der sterke ire kraft fast mechtig/in kriegen vñ waffen geübet von langē gebrauch her an reychrum/ feldern/äckern/weingarten/welden vnd wassern ser fruchtpar. Sise stat ist vff ein zeit gar nahent wüst worden von einem trachen/welcher da bet an einem sandigen ort gelegen/vnd den lufft söllicher massen vergifft/das meniglichen der ingang der porten gegē mittag verboten ward/aber durch gebet des heiligen vatters Clementis (welcher die stat zu Christenliche glauben gebracht) seind sie des giftigen thiers wundbarlichen erledigt worden.

Von Mentz das .56. cap.

**M**entz die ertzbischofliche stat in türtschem land/hat den namen empfangen von einē Troyaner Maguntius genant welcher sie gebawen hat zu d zeit da Troya zerstöret ward der bischoff diser stat ist ein Curfürst vnd erwöller einis römischen keisers. Sise stat ist groß vnd ligt an de rein an dem ort da der Rhein in den rein flüßet vñ sich das ober türtschland vñ dem nidern teutschland scheidet/ist ein wolerhawē stat mit vil grossen kirchen vnd klöstern gezeiret/es ist auch ein hoheschül aber fast veraltet/sunst seind da vil wunderbarlicher antiquiteten/vnd grose wund zeichen da von ich zu diser zier nit schreiben will.

Von München das .57. cap.

**M**ünchen die hoptstat im beier/land vnd sitz der hertzogen gelegen an dem wasser der yser vnd vff einem wunsamen platz gelegen/Sise stat ist über die massen schon erbawen/do ist ein fürtrefflichen schönes schloß vnd weiter fürstliche höff/mit vil gewelben vnd werklischen gemachten erbawen. Es ist auch ein strasz vñ durchzug der kauffleut vñ welschen vnd teütschen landen. Sise stat hat zwo pfarkirchen/eine S. Peters/vnd die ander vnser lieben frauen/in welcher keyser Ludwig vor dem hohen altar begraben ligt/dadan auch sein keyserliche kron mit seinem tittel behalten wirt.

Von Meyland das .58. ca.

**M**eyland ist erstmals zu der zeit Josue gepuwen worden/aber erst in sölliche weite gezogen von den Gallilern vnder irem hertzogen Brennius genant. Sise stat ist oft zerbrochen worden/vnd aber vff diß mal so weit vnd groß vnd schon erbawē das sy billich Meyland genant wirt/wann sie einem land vil baß dann einer stat zu vergleichen ist. Sise stat liget vff einem fruchtparen boden/in senfftem gefunden lufft/an einem ort da vil schöner see vnd fließende wasser das ertreich begiessen. Sie füret die hendel des ganzen Lampartischen lands/vnd treibet vnseglische grose kauffmanschafft. So sieht man tegliche alles das der mensch geleben mag/an grose vile an dem merck feil haben. Sie gassen seind gezeiret mit schönen heüßern vnd mancherley liepslichen dingen/do sieht man vnseglisch vil kunstlicher handtwercker/vil gadē

mit specerey / vnd wolriechendē appo//  
ticken. Auch sieht man da teglichs rei//  
ten vnd gon über die maß vil schönes  
volcks / vnd sonderlichs so schöne wol//  
gezogne frawen das es über die maß//  
sen ein lust zü sehen ist :c.

Von Medina das. 59. cap

**M**edina talnabi ist ein statt in  
welcher der Türckenn prophet  
Nachomet begraben ligen / vnnnd ist  
nit als man sager / das er zü Mecha li//  
ge in einem sarck / welcher schwebt in  
einē gewelb durch hilff des steins des  
Magnetenn. In diser statt steet ein  
kirch vnd in der selbigē kirch ligt der  
Nachomet / Sise kirch ist vieregket  
vnnnd hatt bey hundert schritten nach  
der lēge vnd. 80. nach der weite//  
gewelbet / vnd drey thurn / vnd seind  
darbey. 400. seülen oder pfeiler / von  
gebachnen steinen alle geweiht / Sa//  
rumb hangent bey. 3000. ampelen.  
An einem ort als mā get vff die recht  
hand / zü forderst in der kirchē / ist ein  
thurn bey fünff schrittē vff alle ort ges//  
fiert / der ist zü rings vmb behencket  
mit seiden tücheren / nahend bey dem  
thurn vff zwen schrit ist gar ein schöne  
steg von metall gemacht / da die men//  
schen vff stond die den thurn wöllen  
sehen. Vff der andern seytē zü der  
lincken handt ist ein thürlein / durch  
welchs man get in den gemeltē thurn.  
An dem selbigen ist ein anders thür//  
lein / vnnnd dabey ligen vff einer seiten  
20. bücher / vff der andern. 25. büch//  
er / inhaltende das leben vnnnd gesatz  
Nachometi vnd seiner gesellen. In  
wendig der thür in einer krukst ist die  
begrebniß Nachometi / darin er ge//  
legt worden mit etlichen seinen helffer  
ren vnd gefründten. Welcher namē  
hienach folgen. Hali Nachometis  
tochterman Fattonia haufwirt / Bu//

bacher / Dman / Aumar seine haupe  
lewt. Siser Nachomet ist gewesen  
ein Arabier vnd ein hauptman bö//  
ser lewt / dieb vnnnd rauber. Vff dem  
thurn diser kirchen ist ein vmbgang  
vff welchem man zü rings mag vmb  
den thurn gon / vnd vff dem selbigen  
vmbgang treibēt die Türcken gar vil  
gauckelspil / blasent allenacht hörner  
zündent vil füwer an vnnnd schreyent  
laut / Herr erbarm dich vnser / wann  
dein bott Nachomet will erston / dan  
sye warten stetigs wann er erstande /  
als er inen dan verheissen hat. Es ist  
dahin ein grose wallfart / vnd die ma//  
malucken bringent groß opffer dahin  
so seind etliche so narrecht das sye sich  
selbs erdöden zü einem opffer disem  
irem prophetenn. Wann man sye  
fraget was sye von Ihesu Nazareno  
halten / sprechend ir vil / er sey ein fru//  
mer prophet gewesen vnnnd darzū  
Nachometis diener / vñ yetzund sitze  
er bey den füßen Nachometis / aber  
Nachomet sitze bey got / vnd solicher  
thorheit on zal.

Von Mecha das. 50. cap

**M**echa ligt nit weit vō Medina  
vnd ist ein vast schöne stat / hat  
bey sechs tausent herdsteren. Sie heü//  
ser darin seind vast güte / etlich drey od  
vier tausend ducaten wert. Sise stat  
hat kein maur / vnnnd regieret sye ein  
Soldan der vier brüder einer sol sein  
von dem geschlecht Maometi / auch  
vnderworffen dem grosen Soldan  
zü Alkeyre. In diser statt gegen vff  
gang der Sonnē ist der berg vff wel//  
chem Abraham seinen sun hat wöllen  
opfferen / vff dem selbigen berg stett  
ein heydnische kirch / die hat drey thör  
Das erreich vmb dise stat zü gering  
vmb ist vnfruchtbar / tregt weder  
bom noch kreüter / vnd ist da gar gros  
ser mangel an süßem wasser.

## Von Mecha

Der größte teil irer narung komet in von Akero vff dem roten mer/das hat ein porten bey .40. meilen da vō gelegen heisset Zida/ es kumpt auch dar vil nordurfft vō der fruchtwaren Arabia vnd Ethiopia Gen mecha kumē iārlichs onzal vil bilger vß Ethiopia/Persia/Siria/India vnd anderē landen/ etliche von kauffmanschaft willen/ etliche dz sy wōllen gnad vnd ablas erlangen/ gleich als wann wir gen Rom lauffend. die kauffmanschaft so man zū mecha fundet/ seind aller hand edelgestein/ speceret/ Bom/ wollen vnd seiden tuch. Inmitte diser statt stert ein gar hüpscher tempel von gepantten steinen erbawē/ in die runde vnd gewelbt/ vñnd hat bei den hundert thüren zū rings vñ. In dem ingang des gemeltē tempels/ get man ab wertzzehe staffel vō marmelstein/ vnd da selbst stont vil indianer vnd heyden/ haben feyl hüpsche kleinoter/ gleich als by vns die silber kremer vor den kirchen feil habend/ vñnd so man hin ab kumpt in den tempel/ sicht mā den gemelten tempel scheibs vmb bedeckt mit gold vñ köstlichkeit/ vnd disem gewelb seind bei vier oder fünff tusent personen die verkauffenn wol/ schmakende ding/ vnd ein güten teil des puluers da man die todre leichnā mit behalter/ vnd niemans mag vñ sprechen die süßigkeit vñnd güten gerauch/ den man empfindt in disem tempel vff den .23. tag des meyē fahet dise walfart od ablas an/ welche des teilhaftig wellē werden die kumē da hin/ vnd in der mitte des tempels stert ein turn darūb ist gespannen ein seidens tuch/ vñ ist an dem thurn ein silbrine thür/ vff einer seite diser thür stert ein becken/ dar in ist balsam/ vff alle ort des thurnes ist in yedem winkel ein ring/ vñ alwegen vff den .24. tag des meyē fahet alles volk an vñ

get siben mal vmb den gemeltē thurn vnd alle mal küffet vnd berüret man die selbigen ring in den winkeln vnd ein yeden ring besonder/ Bei .10. oder 12. schritten bei disem thurn ist ein anderer thurn geformiert wie ein capell bei vns/ vnd drey oder vier thurnlin daran/ in mitte des selben thurns ist ein über hüpscher brun mit gefaltzē wasser/ ist vff .60. elen tieff. Bei dē selbigen brunnen stent sechs oder acht man dar zū verordnet vñnd schöpfer wasser für das volk/ vñ so einer siben malen vmb den thurn gegangen ist so get er zū dem brunnen vñnd haltet sich mit dem rugken vnder den eimser/ lasset sich also drey mal begießert über seinen gantzen leib/ vñnd spricht das sey im namē gottes gott verzeihe mir mein sünd/ vñnd also thünd sye dan ir offer als hernach folget. Kun jeder mensch ertödet vff das wenigst zween oder drey hammel/ die selbigen schinden sie gegen der Sonnen vffgang/ vnd gebend das fleisch armen leuten/ Welche gar ein vnseglisch gro/ se zal dahin komet. Vnd dann steet einer vff vñnd thüt ein lange predig zū dem volck/ ermanet sye das sie sollen beweinen ire sünd/ vñnd schreyet laut/ O Abraam der wolgehalten vō gott/ O Isaac der vserwelte gottes freünd/ bitten gott für das volck des propheten. Vnd dann so weinet das volck jämlich. Bey der strassen vnd dem tempel diser statt seind gar onzal vil tauben/ die zühet man mit üßerflüssiger speiß/ wann sye sprechen/ dise tauben komet her von dem heyligen geist/ O tauben die mit Nachomer geredt hat. Auffs der andern seytē des tempels in einem gemeür/ seind ingeschlossen zwey lebendige eingebirn/ die zeyget man den bilgeren für ein groß wunderbarlich ding.

Von Medera das. 61 cap

Von dem künigreich Melli. 62.

**M**edera die Insul würt also ge-  
nant vō der vile des holtz so da  
wachsen/ wann erstmals da sy ein Rei-  
ter vnd Hauptmā des künigs vō Por-  
tugall erfande/ was sye so voller gros-  
ser bom / das man nit mochte finden  
einen stekē des erreichs einer spannē  
breit/ da es nit alles voller bom gestā-  
den were. Also das not/ das zum er-  
sten da man do wonen wolt die bom  
anzündte vñnd vñbrante. Sif erst  
feur ward so groß das der yezgemel-  
te Johan Conzales vñnd sein volk mü-  
sten in das meer fliehen vñnd darin al-  
so ston zwen tag vñnd zwo nacht/ on es-  
sen vñnd trinken/ biz an den hals. Al-  
so raumten sye das holtz hinweg vñnd  
machten platz das sye mochten arbei-  
ten. Sise Insul hat im vñmschweif-  
fe. 39. meilen/ vñnd hat kein versper-  
te portē/ aber sunst vast gütre stende  
oder wonungen / Ist vast fruchpar/  
treget Zerlich vñnd fünffthalb tausend  
fiertel korns. Sise landtschafft hat  
vil güter brunnen/ vñnd bey acht kley-  
ner flüsslein die durch die Insul lauf-  
fen/ vñnd den selbigē wassern seind seg-  
mülen/ die stetigs holtz werck sege/ die  
man füret in Portugall vñnd andere  
land. Vñnd diser biertern ist zweierley  
gattung / Eine von Ceder baumen  
hat ein starken gerauch wie Cipressen.  
Das ander holtz werck das man da se-  
get/ nennent sye Nassō/ ist ein schenn-  
rot holtz wie ein Roß. Das land ist  
alzeit warm/ da machet man vil zuck-  
er/ vñnd vil güts weins/ Sie rebstöck  
tragen vil mer trauben dann bletier.  
Man findet auch in diser insul wilde  
pfawen/ blaw vñnd weiß/ vil wackelen  
vil wilde schwein/ vñnd vil daubē/ an-  
derer thierer vñnd gefügel hat sie nit  
vil.

**M**elli ist ein künigreich in dz mo-  
renland gelegen/ auch bey nūwē  
iaren in übung kommen. Sie man  
in disem land habend grose achtung  
vñnd feiste weiber mit grosen brüsten/  
In disem reich Melli ist ein vast gro-  
se hitz/ vñnd dz fütter der thierer in nit  
anmütig/ Was man für thierer da//  
hin bringet/ die sterbend zum merern  
theil/ An disem ort haben sy kein vier-  
füßig thier/ Es werden auch gemein-  
liche da krank alle vñnd schlendigen so da  
hin koment vñnd sterbent vil. In di-  
se land bringet mā vil grose saltzklöz  
vñnd Cameltiern/ vñnd diß ist die ge-  
nemste kauffmanschatz die mā in dis  
land bringē mag/ wann wo sy nit sol-  
liche war hetten / müsten sye sterben.  
Sie artzney so sye vñnd dem saltz mach-  
en ist also. Sye nemen ein stücklein  
diß saltzes/ das zertreiben sye mit ein  
wenig wassers / vñnd trinken dz selbig  
alle tag/ damit enthaltē sie sich. Das  
übrig saltz zerschlahen sie zū stücken/  
so groß das ein mensch eins tragen  
mag vñnd seinem hauptē / dan tragen  
sye es ein weitzen weg an ein ort do le-  
gen sie es in samē/ vñnd yeder zeichnet  
seine hauffen mit seinem zeichen/ dan  
lassent sye es also ligen vñnd ziehen wi-  
derumb heim. An dem ort da sie das  
saltz hin tragē da ist ein wasser / über  
welch wasser komet ein and geschlecht  
der Mosen/ die selbigen redent nit/ le-  
gen aber gegē yedem hauffen saltz ein  
zal golds/ vñnd lassend das saltz vñnd  
gold bey ein andern ligen vñnd faren  
da von/ Sāñ so komen herwider die  
moren deren das saltz ist/ vñnd gefeller  
inen die zal des golds/ so nemē sy dz  
gold vñnd lassen dz saltz ligen / dz selbig  
saltz reichen dann die Mosen welche  
das gold darüb dahin gelegt habē.

# Murfuli Nierenberg

Von dem Königreich Murfuli das. 36. Cap.



**M**urfuli ein Königreich vñ land  
in welchem vil gebirg seind / dz  
volck diß landes ist vast grob / vñnd  
beter die abgötter an / Sie haben ein  
eygne sprach / seind niemants vnder-  
thon / Sie haben ein eignen künig /  
wein / fleisch / vñd reiß haben sy gnüg  
gond nackend / vñd ziere sich mit gold  
vñd edlem gestein / vñd in den bergen  
deß landes findet man die kostlichen  
stein die man Siamantenn heisset /  
Sise berg seind vast hoch vñd gäh /  
das niemans daruff gesteigen mag /  
vñd wann ein regen komēt so fallend  
die stein herab in die spelte vñnd fin-  
det man sye also. Es ist auch ein an-  
dere meynung züfindē dise stein / Es  
seind tieffe löcher zwischen den felsen  
hinab / da kein mensch hin kommen  
mag. Darumb so gond die leüt vñd  
werffent stuck fleisch darein / so komen  
dann die adler vñd reichen das fleisch

vñd bleibent daran hangen die steyn /  
welche sie dan mit dē fleisch heruff fü-  
rent. Damit kleben dan die leüt ire  
leib vol. So ist ein grose vile wissert  
adeler / darumb das sye da finden zü  
rauben mancherley schlangenn. Sie  
herren in disem land zwingend das  
volck das sye inen die besten vñd grös-  
sten Adamantē müßend geben / vñd  
darumb findet man selten grose in  
vnseren landen.

## Von Nürenberg

**N**ierenberg ein statt groses nau-  
mens in teütschen vñd fremden  
landen / gelegen in einem vnfruchtba-  
ren sandigen ertreich / als Celtes schrei-  
bet / In einer gegne zweyer fließenden  
wasser / Sise statt ist über die maß  
wolerbuwen vñd versorget von güt-  
ten muren vñd gräben / durch welche

grabe hüpfche lustige wasser fließend vnd dar in lauffend hirtz vnd hundē. in der inwendigē muer stond vil vier ecketer thürn/gleicher hohe vnd weiße vō ein andn/vff welchen allen wech ter seind/die mit hönern vnd trume ten alle in reitendē merend/ den tag an vnd ab verkündent/ Sefgleichē so seind auch thürn in 8 vfern muer aber niderer dan die inwendigen/dise thürn seind alle wol vsorget mit büchsen/buluer/vnd aller rüstung zū kriegen. Die inwendig muer ist so dick das zwen gewapnete man frey ledig lich nebens ein andern gon mögend. In der vfern muer seind. 6. porten zū allen landēgerichtet/ alle mit stark en thürnen wol vsorget/auch seind da vor starke fettinen vnd schutzgetter. Weiters zusagen von diser stat wirt hernach erzelt zc.

Von Neapolis dz. 65. cap.

**N**eapolis ist ein alte vnd hochber rümpfte stat im land Campania welcher alter vnd vrsprung Titus Liuius beschreibet/ Sise stat ist mit küniglicher würdigkeit erluchtet/ vnd mit vil kirchen vnd grosen hohen/ger meier vnd besondern gebewen vnd hewser gar wunderparlich gezieret. Sa ist ein schloß oder burg das neue castel genant/ ein lobliche vnd ge dechtnis würdigis werck/ mit seinen neuen gebawen vor andern alten ge bewen welches lang wol zū breysenn. Ich geschweige der hohe dicke/ schone weyche/ vnd mancherley zierde der thüre/mauren/palasten/vnd andere gemach/ Desimius der berg des lan des Campanie/ der von allen anderē bergen ledig ist/leit vff tausent schritt bey diser statt/der ist voller weingar een/ölbam/ vnd anderer mancherley fruchtparen böm/ vnd für andere

berg wunderparlichen an fruchtpar keit des weins (den man vnum gre cum/ oder den man kriechischen wein nennet) berümet. Siser berg würf fet zū zeiten feier vß/da von etwann die gipffel der baum anzündet wer den/ Vnd zū zeiten des keyfers Tra yani/ist Plinius der and vom brand erstecket worden/ darumb das er sich darzū genhert/diß wunder zū sehen.

Von Nubia das. 66. cap

**N**ubia ein land vnd künigliche statt gar naßend in mitte des rechten morē lands gelegen/ vast reich von gold vnd silber vnd aller specerey die da wachset/ In disem land seind grose kauffleit. Wan man holet da vnsegligh mancherley güter war/wel che man vff Cameltieren allenthal ben an die port des mōrs füret. Das volk in diser Insul ist Christen/ doch gar bey vff den Lutherschen schlag/ on allein dz es etliche verwoßne mei nungen haltet/namlich das Christus nit ein rechter mensch sey gewesen/ son ders habe an sich genomen ein leib vō luft/darinnen zū verbergen die gort heit/vñ der gleichen ding. Diß volk ist geschwind in allen hendeln/krieget stetigs mit groser macht wider vmb gefessenen die us glaubens nit seind/ Ir künig ist vast reich vnd haltet gar herlichen hoff. Sein wonung ist über die maß wolgezierd vō kostlichem ge wand vnd schonē gold. Wann er vß züßer zū streitten/so hat er vil gewap neter helffanten/mit vil volcks vnd gütem geschütz. In disem land wach set nit vil korn/aber reiß vnd gersten da vonn machet man brott. Sa ne bend essend sie vil milch/wann die kü let vnd setzget sie wol.

# Von Narsinga

Von Narsinga das. 67. cap.



**N**arsinga ist ein künigreich vnd hat ein hoptstat/da sich der künig helket ist auch genant Narsinga/dise stat ist gebuwen vast vff die meinung wie Weiland on allein das dz land nit so gar eben ist/ das land ist gar bey anzu schawen als Neapolis oder Calabria. Siser künig ist über die massen reich hat teglich vff zu heben zwölff tausend pardei. Er füret alle zeit krieg mit erlichen heidnischen künigen/vnd glaubet mit allem seinē volk an die abgötter/ bettet den tüffel an wie der künig zu Calicut. Er ist also in dem feld vnder den bömē/vnd laßt im festlich vil trachten credentzen/mit herrlichem bracht. Die cley

ding diß volcks ist adelich / die erbern tragend ein kurzes hembd vnd vff dem hopt ein heidneschen bunde an den schencklen gond sie blos/ das schlecht vnd gemein volk get gar nack end vffgenomen die scham verdecken sie mit tüchern. Ser künig treget ein baret von gulden rüch zweier spanne hoch/ ein Bom wollin hembd vnd dar ob ein gubdin stuck mit aller manir edler gestein gezieret/ sein pferd ist köstlicher dann ettwann ein gute statt von wegen der gezierd so es ann im treget wan er reitet so hat er bei im vill künig vñ herren vñ vff sechs tausend pferd die alle in seinē dienst seind



Sein müntz ist güt gold vnd silber/  
vnd durch dise land mag yederman  
sicher wandelen wo hin er will/on al/  
lein das man sich bewaren müß vor  
den wilden löwen / welcher gar vil off  
den strassen lauffen. Ser künig ist  
ein großer freünd der Christen/vnnd  
thüt men vil eer / mit fruchten/ essen  
vnd trüncken/vnnd andren haltet sich  
dis land gleich wie von Callicut ge//  
saget ist.

Von Orchades das. 58. cap

**O**rchades seind. xxx. Insulen  
vast sandig vnd wüst/ In etlich  
en wonet ein armes frumes volck/vñ  
hatt hewser von bintzen oder rot ge/  
macht/ wann da wachset kein holz.  
Ir narung ist zum merern theil fisch  
welche sie im mör fahend. Es ist nit  
wil selzams oder hüpschs da von zu  
schreiben/ Wann die Insulen ligen  
gar nahend an einem ort / da die kel/  
tin so groß das man nit wol da wone  
mag / es seind nit über fünff tagreiß  
an das gefroren mör/ Wagstu wol ge  
dencken wie güt die Insulen syen.

Von Ormus das. 59. cap

**O**rmus ist ein Insul vast reich/  
vnd mitten in der selbigen ligen  
ein schöne statt heisset auch Ormus.  
In diser Insul findet man nit was/  
ser noch narung / es würt aber gnüg  
dahin gefürt von dem land/vff drey  
tag reiß da von fischer man die aller  
schönsten Perlen die in vnser land kom  
men/in sollicher gestalt. Es seind be

sondere fischer mit kleinen schifflein/  
die werffen einē großen stein an einem  
seyl hinein in das mör zu beyden seytē  
des schiffleins vff das es still stande/  
dann so lasset sich ein fischer hinab in  
das mör an einem gewicht/ vnd süch  
et die muschlen Perlin mütter / so er  
die selbigen hat/ zeücht er sich an dem  
gewicht widerumb hin vff in dz schiff  
lein vnd süchet die Perlen vß den mu  
schlen. Bey diser gemelten stat stond  
alle zeyt bey drey hundert schiffen von  
allen landen vmb kauffmanschafft.

Ser Soldan diser statt ist Nach/  
omers glauben / vnd hat vnsegr  
lich großes güt/ halter hoff mit  
edlen vnd verlaugnetē Chri/  
sten. In diser Insul mach  
et man auch schon glas  
wie zu Venedig vnnd  
anders wo in welsch  
en landen.

S ij

# Von Brasilia Portugall

Von dem land prasilia das. 60. Cap.



**P**rasilia ein new erfundens land/  
hat den namen von dem holtz da  
die seckler hie zü landt das leder mit  
ferhend / darumb das diß holtz in di/  
sem land überflüssig wachset. Das  
volck in disem land ist fast einfeltig  
vnd fishisch / get alles nackend wie es  
an die welt komen ist / gelebet etlicher  
frücht vnd krüter / hat güte süß / was/  
ser trincket es / Aber wenig fish vnd  
thierer / dan etliche seltsame wunder //  
parliche thierer vast groß / vñ manch  
erley schöne vögel / Papageyen groß  
vnd kleyn. Siß land hat vil gold vñ  
berlin / aber kein ysen / iren werckzüg  
ayen vnd messer da mit sie holtz ar/  
beiten / machend sie vß steinen / das  
volck wirt gemeinlichen alt hundert  
vnd noch vil mer jar. Aber yetzund  
tregt das land vilerley frucht / vnd ist

das volck etwas gelet worden / bekleye  
det sich mit fellen von den thieren vñ  
fogels federen / wann der künig von  
Portugall hatt das land besetzer mit  
seinem volck / welche dan die inwoner  
ein ander leben zü führen von tag zü  
tag / geletet haben.

Von Portugall das. 61. cap

**P**ortugall das land hieß vorzeiten  
Lusitania / vnd hat gar ein kleyn //  
nen begriff / aber nun zü mal hatt es  
sich vast gestreckt vñ geweytert durch  
die namkafftigen thaten der durch //  
leüchtigen künig von Portugall. Al  
so das nun zü mal gar wenig künig  
seind deren wapen in der welt so an  
vil orten gesehen werden. Das land  
Portugall ist fruchtbar vnd güte / an

wein Korn/fisch/fleisch vnd allen din/gen so man erdencken mag. Das ge/mein volk ist zu mal groß vnd bew/risch/aber geschwind/listig/stark vñ streitpar. Sie inwoner der gebirg in portugal lebend gar schlecht/trinkend wasser vnd schlaffen oft im feld vff der erden. Sie hauptstat in Portu/gall ist Lisbbona/ von welcher hie vor züm teil gesagt ist/ Sunst hat sie da neben vil hüpscher nutzbarer gegnen Sibilien/Granaten/vnd güte stett/ In welchen mä allen grose hendel vñ kauffmanschafft treibet.

Von Prüssen das. 61. cap.

**P**rüssenland ein güte fruchtpare lustige art. von welden/wassern/fruchten vnd allerley thieren. Sif land haben ingehalten die vnglaubigen/vnd dar vß den Christen lange zeit vil schaden zu gefüget/ Bis das die fürsten in Massonia dis land er/lichen edlen übergeben/vnd keiser fri drich die selbigen edlen gefreiet vñnd besetiget mit einer guldinen bulenn da habend sich die selbigen vnderwü/ den das land zu behopten vñ mit ge/walt zu Christen glaubē vñ teütscher zungen zu ziehen/als sie dan auch ge/thon/ Vmb diser thaten willen/nen/ net man noch heüt zum tag dise edlen teütsche herren/vñnd hatt daruß ge/macht ein ordē/welcher weiße mentel vnd schwarze creüz tregt.

Von Poland das. 63. cap

**P**oland ein weitbes ebnes land/al/ ler reichthumb voller/korn/getreid wasser/wein/wedy/fisch/fleisch/vnd was man erdencken mag/ Crackau ist die hauptstat vnd küniglicher siz diser stat/von welcher auch hie gesa/ get ist. Das volk dis landes ist rauch

vnd peürisch/Bauwer das feld/vnd leger grosen fleiß vff die binlin/wan sie gar vil wachs vnd honig machen. Sif land ist Christen/ aber doch an etlichen orten mit vnderscheid/etliche vff die art der Bechem/etliche vff die art der kriechen/ aber zu Crackau vñ in den stetten haltent sie sich gemein/ lichen bey rechter ordnüg der kirchen.

Von Paris das. 64. cap

**P**aris ein künigliche hauptstat in Franckreich/ist nach der Troianis schen niderlegung gebuwen worden/vnd den namen empfangen vð einem Troianer Paris genant/welcher nach vnd er enpflohen in Gallien kame vñ sich da an dē wasser Sequane nider lieffe. Sif stat ich reich vñ aller ding die man erdencken mag voll. Sa ist ein berümpre hohe schül/welche der groß Carolus nach enpfabung seiner keyserlichen kronen der selben stat vð ir wolgelegenheit wegen/zu nutz der ganzen Christenheit vffgerichtet hat Vff diser schülen seind vil treffentliche geleerte menner in der heilge geschriffte In beyden rechten/ In der artzney/in den freyen künsten vnd philosophey/ In lateinischer vnd kriechischer zun/ gen. In diser statt ist der küniglich hoff gar schon vnd zierlich erbauwen. Sa würt teglich erschen ein groß schar herren vñnd edler leüt/ Sa ist ein weyser raht von dapffern leüten/ das Parlament genant/vnd vil gros se mechtige ding/welche hie nit mögē erzelet werden/ auch ist vnser fürner men nit die reichthumb vnd schonē der stett yetz zu erzeleñ/sonders mer die selzamen wunderparlichen ding in diser welt.

## Von Breslaw Prag

Von Breslaw das. 65. cap.

**B**reslaw ein edle statt in schlesier  
land / an dem fluß der Ader ge/  
legen. Sise statt von irem anfang/  
von versammlung der menschen so da  
selbst zusamen kammern / mercklichen  
vffgang gehapt / an besondern vnd  
gemeinen gepüwen vnd wolgezierten  
gotsheusern / vnder welchen fürtrif/  
fer die bischöflich thumbkirch in sant  
Johans ere geweyhet. Sif bischoffs  
thumb haben die alten das gulden  
bisoffthumb geheissen / aber der hussz  
hat es wol bleyen gemacher. In di/  
ser loblichen stat seind vil erlicher dö/  
ster / dauon yetzund nit anmütig zu  
lesen / darumb laß ichs on beschriben.  
Sye ist auch mit wunderparlicher  
mauer ombfangen / vnd an dem ort  
daran die Ader nit rinnet / mit einem  
tieffen vßgewo:ffne graben vnd mau/  
ren bewaret in sollicher dicke / das kein  
geschütz leichtlich etwas daran schaf/  
fen mag. An den mauren seind vil  
thürn / ergeter vnd bollwerck / In der  
stat weite lustige gassen / creützweiß  
durch einander mit schonen zierlich  
en heusern / eben vnd gleich neben ein/  
andern gelegē / also dz kein huss dem  
andern sein angesicht nimer. So ist  
an einem vast weiten marckt ein ratz  
huss mit einem hohen thurn / vff dem  
die wächter mit hörnern plasen vñ ire  
spil zu essens zeiten treibend.

Von Prag das. 66. cap.

**P**rag ein hoptstat vnd künigklich  
er sitz in Behem ein fast grose  
stat / ist gepuwen vñ orden zu den zey //  
ien Abrahe. Sise statt ist geteilt in  
drey teil / nemlich / in klein Prag / alt  
Prag vnd neuw Prag. Klein Prag


begreiffet der lincken der Wulda / vñ  
berüret den berg / vff dem dann der  
künigklich hof / vnd S. Veits bisch  
offliche thumkirch ligen. Alt prag li/  
get gantz in einer ebne mit großmeh  
rigen loblichen gepuwē gezieret / Auß  
der selben alte statt kompt man in die  
kleinen vber ein steinen pruckenn die  
hat. 24. schwibogen / so ist die neuw  
stat von der alten gesunder mit eine  
tieffen grabē / vnd vmb vñ vmb mit  
mauren bewaret. Sise stat ist vast  
weyt / vñ strecket sich bis an S. Karo  
lus vnd S. Katherinē berg daselbst /  
vnd bis an den vischerat der dann in  
gestalt eins schloß gebawen ist. Sa  
selbst ist das Collegium der schül / dise  
stat ist hochberümpfte vnd namhafte  
in türtschen landē vnd ligen schier gege  
den lufften mitternacht / hat ein rotur  
de gestalt vñ dz ringvmb mit eine  
wald vmb geben / hat auch vil wasser  
die dar für vnd dar durch fließend.  
Als nun des namens halber wie sie  
geheissen solt werde zueiung entstung  
verordnet Libussa die furstin dz man  
vß den fūsten den ersten d begegnet  
fragen solt / was er machete / vnd was  
er sagte nach dem selbigen wort solte  
die stat geheissen werden. Also ware  
erstlich ein zimerman gefraget der sa/  
get er machet ein schwel dz heist nach  
Behemischer zungen Praheo / vñ dan  
nen her ward die stat mit verzucktem  
namen prago genant. Bei den zeiten  
Keisers Karle des vierden ist die stat  
in groser mechtiger glori vnd eren ge/  
standē / also das kein stat in Europa  
ir hat mögen gleich sein an zierlichkeit  
der kirchen / an hohen zierliche gebewē  
mit schonen köstlichen ornaten / kleino  
ten / edlengesteinen. Vnd andern was  
zu Prag an der Wulda gelegen ein  
köstlich closter prediger ordens / da het  
ten die behemischen künig begrebnis  
innen.

Von Persia das. 67. cap.

**P**ersia ein nâhafftigs künigreich von Perse dem sun Jouis also genant/ Sie priester halten Jouem für den himel/ die Sonnen vnd das fuereren sie für got/ sie haben weder seülē noch Altar/sonders treiben ir gebett vnd geistlicheit vnder freyem himel. Sem fuer opferent sie dürrē holtzer vnd werffen feistigkeit vō den thiem vnd öl daruff vnd blasen nit darein aber machend sunst ein wind dz das fuer angange/ were aber sach das ei/ner darein bließ/der hat vō stund sein leben verloren. Sefgleichen eren sie

auch die fließenden wasser sie werffen nit dar in/ vnd vil sollicher toechter aberglauben halten die priester. Sif volck über sich in der Jugend in der geschafft/ hat schülen da man sie leret fablen/ historien vnd lobgedicht irer götter/ Sarnach leren sie reüttery vñ mit geschütz vñ waffen hädeln sie /die persianer seind auch vast grose kauffswelt/ durchwandlent vil lēd zū land vnd wasser omb kauffmanschaft willen. Auch so seind treffliche hüpsche ster in Persia/ In welchen man grose güt findet von seiden/gold/vnd Speccerei/ mer dan zū Franckfurt / aber doch nit so vil gebrantem wein vnd plausle.

Von Priester Johannes land wie nach folgt das. 36. Capitel



## Von priester Johannis land

Von priester Johannes land  
das. 68. Capittel.

**P**riester Johannes ist ein mechtiger Herr in Ethiopia / hatt vnder ihm vil ander König vnnnd Bischöff des landes / gleich als vnser Papsst zu Rom. Die statt darinn er Hoff haltet heist Amaharic. In diser stat hat er ein wunderparlich kostlich schloß / das hatt .v. porten / vnnnd bey yeder porten hatt er ligen böse Hund vnnnd Löwe. Wie die figur zu teil hie vor anzögt / vff dz niemans hinein gangen geleit. Auch hat er bey yeder porten ston wol tausent man die stetigs

vff in warten. Er machet gesatz seinem volck / vnd was er gebeütet das muß man halten bey verlieren des lebens. Sie priester in seinem land nemen weyber vñ machen kinder / Aber wann einem ein fraw gestirbt / so bedarff er keine me nemen. Er hatt grose tempel / vnnnd vil bas gezieret dann die onseren. Er haltet die vier Euangelisten / laßt mes halten vnd predigen wie man bey den Christen thut. Er hatt auch vil klöster / erect hoch Mariam die keusche gebenedeyten unckfrawen vnd mütter gottes / als billich ist / welche mütter gots yettliche verachten.



Von Pego das. 89. cap.

Von Rom das. 88. cap.

**P**ego ist gelegen in india nahend bei dem mer vff die lینگten hand als gegen vffgang. Sa ist ein über hüpsch fließend wasser/ vff dem selbigen faren vast vil schiff hin vnd wider. Sise stat ist gemauert vnd hat vast gute bewser vnd schon palast vō steinen mit kalck. Ser künig ist vast mechtig an volk vnd zū roß. Er halt sich vnd zelten/ vnd vō hitz wegen gon sie schier naken/ vñ wo es im feld ist/ da wont er gern vnd hat gern lewt by im in kurtz wil/ auch helt er all zeit für sein person mer dann tausent christen des landes vor genant/ vñ gibt jedem einē monat sechs pardy zū solt sampt der speis/ in disem land wechset über flüssig vil korn/ vñ vil fißs auch allerlei frucht wie zū Callicut. Aber von allen andern thieren vnd vöglen/ zū vor an die schonsten papagallen die man finden mad/ es wechset auch da schon groß holz zū Nauen vnd schiffen zebrauchen. Sa hat man vil Ziberen katzen/ der gibt man drey oder vier omb ein ducatē/ die meist kauffmanschaft in diser stat ist mit edlem gestein vnd der merer theil Rubin. Siser künig beret an die abgötter vñ eret die tüffel/ er ist aber sunst vast milt/ vnd get über die massen kostlich gezeiret von gold vnd edlen gesteinē also das die Rubinen nachtz ann im mochten glantzē wie die son. Donn seiner reichthumb ist nit möglich zū sagen/ er hat alle iar vff zū heben hundert dunnen golds on das edelgestein das im bracht wirt/ in seinem land gefellet vil Lacra / Prasilia / Sandel/ Bomwoll vnd Seyden.

**R**om ein berühmte stat der ganzē welt/ bey dem fluß Tiberis gelegen von Romulo irem erbuwer also genant. Die Tiber flüßet von mitternacht in die stat vnd rinnet vff der mitteglischen seiten / gegen der statt Hostiam wider hin vß/ vff der rechten seiten hat dise stat zwen berg/ Vaticanum vnd Janiculum. Vff der lینگten seite begreiffet die stat im vñ kreiß syben hübel/ vnd seind geheissen Capitolinus / Auentinus / Palatinus / Celius / Esquilinus / Quirinalis / Quirinalis. Siser hübel yedet hat seine gepew/ heuser vnd kirchen. Sise statt ist wunderbarlich schon erbauwē/ mit grosen heusern als schlösser. Die statt ist wol versichert mit mauren vnd thürnen / da ist der sitz des obersten puesters der Christen. Was soll ich von Rom sagen/ liss alles zū samē was du findest in allen stetten des ganzen ertreichs/ Es sey gold/ silber/ edelgestein/ kostliche kleydung/ schonē gebüw/ gelert leüt in allen künsten vñnd handwerken / essen trincken wein zūm aller besten/ vñnd mancherley fißch/ fleisch/ vogel vnd gewild. Grose heren/ arme knecht/ hüpsche pferd vnd schon esel/ findestu alles zū Rom überflüssig/ on allein gute wasser des ist gar wenig da. Solt ich beschreibē die kirchen so zū Rom sind ich wolt wol ein eigen büch da von machen/ desgleichen die heilighumb so da seind. Es ist yetzund aber nit anmütig/ darumb so will ich eben vff diß mal gnüg von Rom gesaget haben ic.

## Von Keüssen Rhodos

Von Keüssen das. 91. cap.

**R**ußen stoffet an die Litaner ein grobs vngeschickts volck da ist die groß stat Mogatte da hin die türsche kauflewt mit groser arbeit reisen. Al da ist grose habe vil silbers vnd köstliche ruhe war vnd kürsen werk. In mitte vff dem markt diser stat ist ein vier egketer stein/ welcher vff den selben steigen mag vñ nit her ab geworfen würt der erlangt die herschung der statt.

Von Rodos das. 92. cap.

**R**odos die stat von welcher die insul Lias iren namen enpfangen hat/ ist vor Christi gepurt. 700. 40. iar zu iosephs zeiten von den Telchiv

niern vnd Cariatern gepuwen worden vnd ist vnder den insulen die man Ciclades nennet/ gezellet. Pomponius sager da man den grund der stat muren gegraben/ habe man funden ein Rose/ vnd darnach die Insul Rhodis genant. Wann kriechisch so heissen Rhodos ein rose. Dise Insul ist fruchtbar an wein vnd korn/ vnd allen fruchten/ hatt allwegen vil Streit des selben halb erlitten vom Türcken Wie es weiter ergangen ist/ wirt hernach gemelt. Vnd die Johanniter haben in der ganzenn Christenheit vil gelts enpfangen/ vnd da mit wollen in Streit dise Insul enthalten vor dem Türcken/ aber es hat zu leyst nit mögen helffenn/ er hatt sie demochterober/ vñ mit grosen angstn beestiget.





## Von Spagnola Scotia Iardinia XXVII

### Von Spagnola das. 93. cap

Spagnola ist ein Insul newlicher/ funden/ von welcher ich ein wenig schreiben will. Christoff Sauber von Janua ist vßgfarē vō Hispania im iar da man zalt. 1000. 400. 92. am ersten dag des herpftmonds/ zū erfaren andere vnbekante seltsame land/ vnd also ist er komen ongeuār an ein vnbekante gegne/ da er nit zū land begeret bette/ wann im nit seiner schiff eins vff dem sand zerrissen were/ als aber das schiff zerspielte/ vnd doch nit vnder sincken mochte/ giengem die knecht daruß in die kleinen nachen vñ füren zū lande/ do sie vff das land kamen/ erfahen sie ein seltsames volck/ nackend/ das selbig volck flohe vñ in stund an den walden zū wie das gewilde/ doch so begreiffen sie in der flucht ein fraw/ welche sie fürte in ire schiff/ gaben ir zū essen vnd zū trincken vnd kleydete sie mit hüpsche gewand/ dar nach lieffen sie die selbigen frawen widerumb gon/ frey ledig vff das land. Also lieff die selbig fraw behend wide rumb zū irem volck/ vnd zeiget an die miligtkeit diser frembden gest/ Da von das volck alles bewegt ward/ vñ lieffen alle miteinander zū dē schiffen. Vermeinten es were etwas seltsams von himel komen/ Sprungen in das mör vñnd machten freundschaft mit dem genanten Christoff dauber vñnd seinem volck/ brachten mit inen gold/ das verduscheten sie an spiegel/ schellen vnd gleser/ vñ welcher nur ein roten hosen nestel het dem gaben sie ein stucklin golds da für.

### Von Scotia das. 94. cap

Scotia schotten/ ein Insul hinter Engelland gelegen/ Ist ertlicher

massen gütt/ wann man fahet da vil fisch/ vnd treibet da mit kauffman/ schafft/ sunst ist nit vil frucht da/ kein bom/ Vñnd sie müssen stein brennen an irem feuer/ die selbigen stein seind etwas schwebelhaftig vnd feist.

Das volck diser Insul will alles edel sein/ vnd wann einer schon ein bettler wer/ so saget er dennoch er sey vom küniglichem stamen geporen. Es ist ein kleine Insul/ sie hatt aber mer edler dann pauren.

### Von Sardinia das. 95. cap

Sardinia ein insul welche Gardus sein sun Herculis besessen hatt da er vß Libia dahin komen ist. Dise insul gepirt wed schlangē noch wölff/ sondern allein ein kleines thierlein heisset Soliuaga/ das dem menschen nit dig ist. Auch so ist da kein gifte dann allein ein krut/ welches die lewt lach/ end tödret. Dise insul hatt warme brunne/ welche den krancken fast hilfflich seind/ Wann etwas gestolen wirt vnd man dem veragkwonten die augen mit dem wasser der selbigē brunnen bestreichet/ ist er schuldig/ so wirt er zū handt blind.

### Von Speier das. 96. cap

Speier ein schone stat am rein geleygen/ an allen dingen so man in anderen stetten findet überflüssig. Dese stat hat ein groses schones münster vnd bischofflichen stift/ welches keyser Cunrad der ander gepuwen hatt/ Im selbigen münster ligen begrabē vil keyser/ welcher namen alle an einer taffel geschriben stonn in dem selben münster im Chor hangend ic.

## Von Saltzburg Syria

Von Saltzburg das. 96. ca

Saltzburg ein vast alte star im Ni  
S deren payerland/welche zu den zey  
ten des keyfers July iren vrsprung ge  
habt hatt/nit ferr von dem gebirg dz  
etwan den Norgbaweren zugehöret  
hat/ Sise stat hat ein fließends was/  
ser Fauarus genant / Weyer/ See/  
ebne/bübel vnd berg/von welchen die  
Saltzburger vnnnd ir nachpurschafft  
wein/weyd/fogel / wildpred / vnd an  
mancherley enden fischung gar füg/  
lich haben mögen. Es ist auch da ein  
genge strasse da die kauffleut durch  
das gebirg in welsche vnd andie land  
ziehen. Sise statt was vor alten zey/  
ten gar wol erbawen mit rinct mau  
ren/thürnen/bollwercken vnd sandt/  
schürten / aber die hunen verderpten  
sie sollicher massen/das sie mit dom/  
studen überwüse/ Biz das der heilig  
bischoff Ruprecht kam vnnnd beferet  
die Hertzogen zu Bayern / vnd das

volck zu Christen glauben. Im iar da  
man zallet nach der gepurt Christi.  
500. vnd. 80. Da ernüwert vnd er  
offnet diser bischoff widerüb die stat  
Saltzburg / vnd stifter da ein bisch/  
offliche thumkirchenn / in der Kr S.  
Peters / vnd regiert dz bischoffthumb  
xiiij. jar. Also ist die stat Saltzburg  
widerumb erbawen worden / welche  
sunst velleicht nymmer zu liecht ko/  
men / Wie dann mit andern stetten  
mer geschehen.

Von Syria das. 97. cap

Syria ist ein land hatt vil gegene in  
Sir begriffen / Als dann Comoge/  
ram / Phenitiam / Palestinam vnnnd  
Judeam / on die Saracener vnd Na  
botbeer. Syria ist genant worden  
nach einem der hieß Syrus. Ir gele  
genheit hat ein grose lenge / aber klei/  
ne Breyte / als dann die Cart gar clär/  
lich anzeiget.



Von Samotra das. 98. cap

Samotra oder Taprobana ein In-  
sul welche gelegē ist an dem besten  
port des meres in der ganzen welt.  
Sie hat vier gekrōnter künig. Sie  
inwoner diser Insul seind mer weiß  
dan braun/aber klein leüt vnd schwa-  
cher gliedmaß. Alda haltet man gü-  
te gerechtigkeit. Ir münz ist vō gold  
vō silber vōnd vō zin gestempffet/  
vff einem ort ein teuffel / vff dem an-  
deren ein wagen der gezogen wirt vō  
einem Helffant. In diser insul ge-  
felt ein grose menige der helffanten/  
vōnd die aller grōsten so man in der  
welt finden mag. Das volck ist nit  
vast wolgeschickt / verstet sich allein  
seiner kauffmāschafft/aber doch sind  
sie güte freünd der frembden vnd vñ  
lender. In diser insul vnd irer refier  
wachsset das recht holtz Aloe / welches  
gar selten in vnser land komet. In di-  
ser insul ligt ein hauptstat heisset Pi-  
der / in der selbigem machet man vil  
subtiler arbeit / namlich trüchlein vō  
gold / gibt man eins vmb zwen ducan-  
ten / vñ warlich bey vns gülte es gern  
hundert ducaten. Es ist auch in di-  
ser stat ein gas darin sitzen bey driw-  
hundert wechfeler vō münz / des gro-  
sen handels halbē so da gebrecht wirt  
Das volck schlaffet vff güten betten  
vō bomwollen gemacht / vnd die deck-  
en daruff seind von seyden. Da hatt  
man auch ein überfluß holtz daruff  
man schiff machet. Sie wonungen  
vōnd heüser in der Insul Samotra  
seind gemauert aber nit vast hoch/  
vnd seind bedecket mit heüten findet  
man an dem gestad des meres / Tar-  
taruca genant. In diser insul wach-  
set alle specerey so man erdeckē mag/  
aber anderer genießhafften ding sind  
nit überflüssig vil da.

Von Senis das. 99. cap

Senis die stat in Italia liget vffer  
Schept vff einem schonen hübel / hat  
zū oberst etliche grüne lustgarten.  
In diser statt seind vast herrliche ge-  
püw / ein hohe schül / vnd küniglich //  
er palast. Dise statt ist auch weyt vñ  
frey mit thürnen vnd vorweren / vnd  
mit gar güten sirtē angeschicket / auch  
nit eins groben noch vnhöfflichenn  
volcks / der erdbo dē da ist fast frucht-  
par vnd an allen dingen überflüssig.

Von Senega das. 100. cap

Senega ein land vōnd künigreich  
Sist gelegen zū forderst an dem mo-  
renland / hat vil volcks vnd ein eygnē  
künig / dis land hat kein stett aber et-  
liche dörffer mit stroenheüsern gebutz  
et. Sie haben nit kalgk zū mauren/  
vnd grosen mangel an steinen. Der  
künig des landes ist nit besterigt / son-  
ders mag in das volck entsetzen wan  
es will. Er hat weder Rent noch gult  
dann was im das volck mit güte wil-  
len schencket. Sie schencken im etliche  
pferd die seind in disem land gar kost-  
lich geachtet / auch züg was darzū ge-  
höret. Sessgleichen etlich fih / kie vñ  
geissen / gemüß / gersten vnd hirs. Al-  
so behülft sich der künig / mit sampt  
anderer rauberey die er stetigs treibt  
er lasset selten vil volcks in dem vmb-  
kreiß seins landes / die selbigen müs-  
sen im bauwen seine feld vnd acker /  
auch so verkaufft er der selbigem vil  
den kauffleüten so dahin komet. Di-  
ser künig mag habē so vil weyber als  
er will / vnd alle zeit hat er mer dann  
xxx. weyber / vnd haltet eine fur die  
andern nach dem sie geboren ist. Auch  
so hat der künig dise weiß zū lebē mit  
seinen weibern / Er hat etliche dörffer  
E

## Von Bueuia

vnd flecken/ vnd in etlichen der selbi-  
gen dörffer helt er seiner weiber acht  
oder zehen / Jede helt allein huß vnd  
hat bei ir ein zal meyd die ir dienen/  
desgleichen ein zal fißs / küe vnd gei-  
sen zü irem gebrauch/ wan dan der kü-  
nig komet in diser dörffer eins/ so zücht  
er ein zü herberg zü einer diser seiner  
frawen/ welche schuldig seind von iren  
renten den künig zü ziehen vnd vß zü  
halten auch alle so mit im da hin kom-  
men. Darum alle morgē so die Son-  
vff get/ hat ein iede seiner weiber zübe-  
reit drey oder vier trachen von fleisch  
vnd fischen vnd dz schiket sie mit iren  
dienern in das hauß da der künig in-  
liget/ Sann so isset der künig vnd  
andere mit im die er gern bey im hat  
gibt auch dem gesund ein wenig aber  
nit vil/ wann es müß allwegen hun-  
ger leiden / Vnd also fert der künig  
von einer frawen zü der anderen wie  
er wil vnd machet vil kinder. Ser  
glauben diß volcks ist Nachomets

glaube. Das gemein volck lebet von  
Satelen/ Gersten / Cameltiermilch  
vñ hirs/ bekleidet sich vmb die scham  
mit einer geißhut / sunst get es vast  
nackend.

Von Sueuia das . ior. cap.

Sveuia/ Schwabeland ein weit be-  
skantes land bei der rhenau vnd  
dem necker gelegen. Diß land ist wol  
erbawen von schonen stetten/ flecken/  
schlössern vnd dörffern / Darzū hat  
es alle ding die ein land gehabē mag  
ein gesunden frischē luft/ weld/ holz/  
wasser/ stilstend vñ fließend/ die aller  
besten quellendē brunen/ güt korn/ vñ  
alle getreid/ mächerlei gütē wein/ als  
ler hand frucht/ nit vßgenommen das  
tüttsch land vermag es an fiß klein  
vnd groß/ tüch vnd wot von wollen  
vnd flachs/ Dar zū hat es ein schönes  
dapfers / arbeitsams volck / welches  
weit wandelt ic.



Von Cuba das. 102. cap.

In dē iar als der obgenāt Christoff dauber von Janua fande die insul Spagnola / da schiffet er fürther gegen nidergang vñ kam in ein stromē eins grosen landes / gleich als were es das fest erdreich gewesen / Also für er lang dem selbigen land nach / Bis das er fand ein füglich ort da mā die schiff mocht stellen / als sie nū gestellet / schick er er etliche seins volcks zu lande / die funden etliche hewser vō stro gemacht in welchen niemants was / da funden sie auch nit dan hülzene spies / vñ bey einē fuer vff hondert pfund fisch vnd zwen grose schlangen / deren einer acht fuß hette. Als sie aber sahen das niemans da was / assen sie die fisch vñnd lieffen die schlangen ligen. Sar nach giengen sie für bas in einen wald zu süchen ob sie lewt funden / da funden sie diser schlangen vil / mit striken an die beum gebundē / vnd als sie ein wenig bas für zugen / funden sie bei .60. mannen welche geflohen waren zu oberst vff ein grosen bühel ein berg / vff dz sie sehen möchten was die vnseren thun wolten / also erzeigte sich die vnsern freundlich mit zeichen / zeigten inen schellen vnd andere kremerci der masen das einer vnder inen ward beherzt / der kam vff einen andern bühel neher her zu / Also het der gedacht Christoffel dauber einen bey im der was vß der insul Spagnola / von welcher auch hie vor gesagt ist / der selbig stige zu dem mā vff den bühel vñ redt mit im (wan sie ein sprach haben in Cuba vnd Spagnola) sager im zu alle sicherheit / also kamen dise mann alle her ab in vnser schiff vnd machte grose freundschaft / mit dē Christoff vnd seinem volcke ic.

Von Trier das. 103. cap.

Trier ist ein alte stat / das sie vor zukunfft Christi tusent nünhundert .xlvij. iar zu Abraams zeit von einem vertribnem Assirier Tribetagenant / in der nachpuwerschaft des türtschen landes zu puwē an gefangē. Dise stat ist allwegen reich vnd hab hafftig gewesen / hat vnder den fünff sterren des belgische lands den fürsten thumb der würdikeit / vnd der erst bischoff da selbst ist vnder den Churfürsten des römischen reichs der würdiger geachtet / da seind auch vil anzeigung en ires altars / da vonn vnder andern zu vnsern zeiten fundē worden ist ein latinsche geschriff / von dem obgenāten Trebeta. Es wirt auch da gezeiget ein palast wunderparliche wercks zu gleichnus der Babilonische muren vß gepachnen steinen gemacht / noch heit zu tag solliche festigkeit / das es nit allein den feind nit fürchtet / sond auch mit keinem werckzüg gebrochen werden mag. Sie burger diser statt werden nunzumal an sitte / zierlicheit vñ gesatzen vß steter besuchung / hantierung / vnd wandelschaft der kauffleüt da hin komend weltelig geachtet vnd gebrauchen sich türtscher zungen manier in alle weg. Sa ist auch ein port welche vß vngloblicher gröse der stein mit eysen zu samen gefüget / die leichnam Simeonis / vnd würdigen bischoffs Papienis in der kirchen von dem selben bischoff gemacht in sich hettet. Dise stat erstmals von Valerio dem Bischoff S. Petrus iünger das Ewangelium empfangē. Sa ist der rock Christi welchen die gebenedeyte Jungfraw Maria mit iren heiligen henden gemacht hat / sampt onzall vil anderen heiltumben / da von yetz und nit sil zu sagen ic.

## Von Turkey tartaren Taurisio

Von Turtia das. 104. cap.

**T**urtia turgley ein herschafft wel/  
che villender begreiffet vnd man  
cherlei völker / Kriechen / Armenier /  
Sarracener / Jacobite / Nestorianer /  
Juden / Christen / Soch züm meren-  
theil die so nach dem gesatz Nacho-  
mets des falschen propheten leben /  
welcher prophet geboren worden vnn  
einem Arabier der die abgötter anbet-  
tet vnd von einer Jüdin von welchen  
er / in zweierlei glauben geleret / vnn  
erzogen worden ist / also da er erwach-  
sen das er keine glauben recht gehapt  
aber voller listigkeit vñ welt geschwin-  
digkeit / hat er zü letst ein schedlich ge-  
satz gemacht vnd gebē vß den judisch  
en vnd Christenlichen gesatz gezogen.  
Er hatt gesprochen die Juden thün  
vnracht / das sy Christum laugnen vñ  
einer Junckfrawen geporzē sein / diweil  
vnd die prophetē sollich vß götlichem  
geist vorlangest weißgesaget haben.  
Her wider straffer er auch die Christe  
irer thorkheit das sie glauben das Cui-  
stus der aller liepst sun gottes vnn  
Marie hab wollen leidē von den Ju-  
den / diweil vnd er sollicher massen ver-  
sehen / das im vnnmöglich gewesen zü  
leiden. Das turgleyisch volk hat auch  
mancherley sitten die gar seltsam zü  
hören seind / ye doch ist nit net da von  
zü schreiben / wan in vorgesagten ortē  
vil da von gesaget ist. Sise land ha-  
ben alle einen keiser welchen man nen-  
net den Türken / der selbig hat vnder  
im vil andere künig vñ fürsten / Auch  
müß im sein land allwegen ein theil  
volks gebē welche er brauchet zü krieg  
vnd anderen notwendige dingen. Er  
krieger stetigs mit vßlendigen vnn  
was er für volk fahet das zü bruchen  
ist / das füret er mit im inn sein land  
vnd brauchet es zü ewiger dienstpar-

keit. Er lasset yedermann seinem  
glauben zc.

Von Tartaren das. 105. cap.

**T**artaria ist ein grob vnerbauwē  
land / vnd hat ein böß volck / das  
liget alwegen zü feld wa sie die besten  
weyd gehaben mögenn / Ir hüwfer  
machend sie rund oben mit silz ge-  
decker / auch haben sie karch in welchen  
sie iren hußrat fürē. Sie man thund  
nichz dann kriegen / alle andere ding  
verschaffent die weyber / sie essen aller  
thier fleisch on des menschen / trincken  
kue milch / vnn  
lezend einander nit.  
Ir weyber seind schön vnn  
getrūw /  
vnn  
ein yeder mag haben als vil er  
geziehen mag. Sie menner geben ir  
morgen gaben den frauwen / vatter  
vnd mütter geben inen nichz.

Von Taurisio das. 106. ca

**T**aurisium ist vast ein grose statt  
gelegen in Catholica / die inwo-  
ner diser stat seind Nachometer vñ  
doch vnderworffen den Tartaren / ge-  
leben der kauffmanschafft / In diser  
stat wonen vil secten der Christen ketz-  
er / vnd komet dahin kauffmanschafft  
von India / Mosalia vnd Baldach /  
In diser statt sicht man vil selzamer  
abgötterey zü etlichen zeyten des jars  
vil mer dann zü Mecha vnd Mediu-  
na / Es komen dahin vil leüt vß dem  
land / vnd so füret man dann ein ab-  
gott vff ein em wagen vß dem tempel  
vnd den selbigen wagen zühet der kün-  
ig vnd die künigen mit vil junckfra-  
wen / welche ein selzams gesang sun-  
gent / vnd das volck das dahin komet  
leger sich nider vff die erden vnd las-  
set den wagen über sich gon / also das  
etliche tod bleiben ligen / etlichen arm

## Von Chan Hungaria Verona xxx

oder schenckel zerbrochen werden / vnd also vermeinen sie ir sünd zü büßen / vnd die gnad gottes zü erlangen.

Von dem grossen Chan das. 107. Cap

**E**S ist kein herr in der welt der so großland hab als der groß Chan wiewol er vil wüster vnnutzer land hat / doch ist er der mechtigest herr in der welt. Er wonet auch vnder weyslen in zelten im feld / hat ein vnseglisch grossen palast in der statt Cumbaly / Sifer palast im anblick gegen mit / tag hat. xv. porten / vnd der künig get allein durch die mittlen portē ein. Sifer palast ist allenthalben gezieret mit gold / vnd hatt dabey ein lust garten / ist etliche mylen wegs weyt / In welchem garten vil fließender wasser brunnen vnd matten seind / Bey diesem garten hatt er tausent rossstüten welcher milch nyemans isset dann der Chan vnd seine verwandten / vnd wann der groß Chan isset / so habē die truchessen vñ weinschencken (welche alle graffen seind) ire müler verbunden mit sydenen oder guldenen tüschēren / off das ir athem dem herrn kein vnlust bringe. Dese statt Cumbaly ist vast groß vnd hat. xvij. portē / In dieser statt beherberget man die kauffleüt vnd vflender / welcher ein grose vile dahin komet mit vnglaublicher kauffmanschaft vñ seyden vnd edele gestein / vnd andere war vs India.

Von Ungaria das. 108. cap

**H**ungerland stoffet an östereich / vnd würt von etlichen genennet die vnder Pannonia ein reiches schoenes land zü beyden seittē an der Thonau gelegen / Dese land hat ein ruhēs volck / vnd die mēner gond zum mezzern theil on hosen / sy hon schnelle rol

wägen in irem land / Sie frauwen gond gar schon bekleidet / vnd mit grossem kosten gezieret. Dese land hat vil güts golds / vnd ist reich an dem aller besten wein / dem besten fleisch / vñ was man geleben soll. Es hat ein eigenen künig / von welchem hievor gesaget ist.

Von Verona das. 109. cap

**V**erona / Sictrichs bern ein stat vñ Venediger / welche mit sampt Weyland / Brixen vnd Pergamo / durch die Gallier die Rom gewunne erbawen worden / durch dese stat fließet die Etsch ist damit befestiget vnd gezieret / also das dasselb wasser die Etsch diser statt zü der kauffmanschaft / auch die frucht ab vñ zü zefüren groß nutzlich ist / Das feld da by ist vast fruchtbar / treget allerley geschlecht der apfel / öle / mancherley win auch hatt es vil wollen / darauf man vast schone tücher machet / vnd die schaff nemen die selbigen subtilitet vñ der weyde dislandes / Es ist da bey ein hoher berg Balbus genant / vñ welchem allerley geschlecht der kreüter wachsend / welche man wyt da reicher zü vffenhaltung die gesuntheit / Die felde bey diser statt seind gezieret mit schonen matten / vil lustigen springenden brunnen / darumb dann dese statt den Römern vast angemen gewesen ist. Es seind auch da vil schone gepüw / tempel / starcke schloß vnd castel da seind gewesen vil treffliche geleerte / in der heyligen geschriff vnd poetterey / welche ich vñm kurze wegen nit nennen will.

Nun folgt hernach von Venedig / vnd ist die statt nur das fierteil yetz / mals in figur angezögt / so du vmbwendest das blat.





VENECIARV



San Marci

palaciu duns

VENECIARV

## Von Venedig Vlin Malachy

Von Venedig das . iio. cap.

**V**enedig die hauptstat vnd kauffmans port in welschem land / die mechtigist zü wasser vnd zü land / ist erstmals von dem vertribnen Troianer Venere gepuwen worden. Dise stat ist zü geringumb mit dem mer vmbgeben / also das allerlei kauffmanschafft vnd nordurfft zü menschlicher enthaltung / nit allein vff dem mer / sondern auch vff andn da hin züfliessenden wassern / vß den nahend vmbgelegen landē da selbst hin bracht werden / darumb ist es woll wunderparlich so gar nahend nichtz wachset in diser stat / das dennocht aller nordurfftigē ding ein sollicher vberflus da funden wirt / das es vß der masen ist / die stat ist erpuwen mit schonen grosen hewsern / vnd vnglaublicher groser zierde Ich kan nit besonders von Venedig schreiben / dan das vil mer wasser in allen gassen ist dan in andern stetten / sag ich schon von irer grosen reichthum so ist es nit seltzam wan ander ster haben die selbigen auch / sag ich von ire regiment vnd groser herlichkeit / so ist es aber nit selzams / wann der groß Chan ist weit über sie. Aber hernach würt weiters dauon gemelt.

Von Vlin das . iou. cap

**V**lin ein zierliche reichstat in schwaben land gelegen / wol vnd starck erpuwen / an einem ort diser stat flusset hin die schiffreich Thonau / darinn rünnet oberhalb der stat ein mercklich wasser die Yller genant / vff welchem wasser vnseglich vil zimer holtz vnd brenholtz zügeführt würt. Es rünnet auch durch die statt ein wasser heisset die Plaw. Dazü ist dise statt mit tieffen greben vnd hohen thurnen be-

waret vnd zierlichen hüwfern erfüllet vnder andern schonen gepuwen ist da der heylgen gottes gebererin Marie pfarkirch / ein groser paw / vnd als mazzallet von Christi geburt. .1377. angefangen / mit einem schonen hohen thurn / vö vnseglicher arbeit vnd kunst vfferhept / dise kirch hat vil schoner gewelb vnd grose süwlen / ist so weyt das vil tausent mensche darein mögen / vö diser kirchen vnd irer götlichen gezierde wer vil zü sagen / aber es lutet yetzund nit.

Von der Malachi das . iiz. cap

**M**alacia ein gebirgigs grobes land an der Thonau gelegen / vnder sübenbürgē / diß land über sich allein zü fahen etliche gewild / welche belg man bruchet zü fütteren / hat sein narung von fish / Ir sprach ist Itallianisch welsch / aber so verhergket vñ zerhudlet das man kum ein silben daran verston mag / Ir glaub ist wie der kriechischen sect.

Von Wien das. 113. Cap

**W**ien ein Hauptstat in Osterreich/  
haltet in irem umbkreiß zwey  
tufend schütt/hat auch da neben gro-  
ße weyße vorstett mit einem graben  
vnd sandschütten bewaret/desgleich  
en die stat einen großen graben/vnnd  
darā ein fast hohe vffgeworfne schüt-  
te/vnnd dick vnd hoch von zinnen/vil  
thürn vñ vorwer zum streit geschickt.  
Da seind grosezierliche burgers heu-  
ser/feste / hohe vnnd starcke gepüw/  
aber die hüwser seind mer mit schind-  
len dann zieglen gedeckt / sunst seind  
sie gemalet/vnd vber die massen wol  
gezieret/Es seind do vil schön erbaw-  
ne gotts hewser / vnd sunderlichs ein  
kloster zu S. Jeronimi / In welch/  
em bekerte gemeine frawen vffgenom-  
men werden / die tag vnnd nacht in  
teütscher zungen götlichs lob volbrin-  
gen/vnnd wann eine in widerkerung  
zu sünden ergriffen würd/so ertrenkt  
man sie in der Thonaw/aber sie fü-  
ren so ein züchug leben/das von inen  
nichts dann lob gehöret würt. In di-  
ser stat ist auch ein hohe schül in alle  
künsten / dahin komet ein merckliche  
sum studenten vß Hungeren /vnd  
hohen teütschen landern / man hat  
offt bey fünffzechen tufend da erfunde.  
Achtzechen man werden da zum racht  
erwelet / so hat man ein richter/vnnd  
ein burgermeister der gemeiner stat  
sorg tregt. Es ist nit glaublich zu sa-  
gen wie vil essender ding in allen din-  
gen die der mensch geleben mag alle  
tag in dise stat gebracht werden/vil  
wägen mit eyer vnd krebs/da ist das  
beste brot/das best fleisch/fisch/fogel  
on zal / man achter an ertlichen orten  
S. Martins blat ein groß ding/es  
ist aber kinder spil da gegen. Es ist  
kein tag es werden by hundert wäge

mit wein geladen vnd hinweg gefü-  
ret. Ich bedarff nit sagenn die vile  
des weins so in diser stat Zerlichs ge-  
macht vnd vßgetruncken würt. Sie  
weinkeller seind also tieff/das sich dar-  
ab zu verwundern ist / D ir schleck  
müler / wann vch die kele zu sumers  
zeiten so hitzigen / hetten ir ein trunck  
dis kühlen weins / ir ersparten gar vil  
kelt wasser / aber kein land oder stat  
mag alle ding haben / Sie gassen vñ  
strassen daselbst seind auch mit sun-  
derlichen harten steinen besetzet. Ich  
kan nit gnügsam gesagen denn lust  
der in den hüwfern ist / von huskrat/  
thieren / vñ rechtegeschaffne lustlichen  
dingen.

Von Vornatia das. 114.

**V**ornatia / Wurnbs ein fast al-  
te stat am Rhein / in einer lusti-  
gen fruchtparen gegene gelegen / aber  
hat von anfang her vil trübselikeit er-  
litten / als dann Iheronymus bezügt  
zu seinen zeyten beschekenn / auch bey  
kurtzen zyten / Archila der künig vom  
Vngern / hat sie zerstört / vnd Sant  
Brunhilt hat sie widerumb erbuwen  
In diser stat ist ein schön thom mun-  
ster kostlich erbuwen / vnnd ein schöne  
kirch in der er vnser lieben frawen/  
yetzmal abgekurtzt.

# Vonzeyla vnd beschlußred

Von der statt Zeyla das. iij. Capittel.



**Z**eyla ist ein grose statt/in welch-  
er über die massen groser handel  
getriben würt. Es kompt ein groser  
reyl gold dahin/vnd über vil mensch-  
en die in puester Johans land in krie-  
gen erobert/vnnd sunst geraubt vnd  
hinweg gefürt werden/die verkaufft  
man da in alles land/In diser stat ist  
ein burgerlich wesen vnd grose gerecht-  
tigkeit. Da ist vil fleisch vnd korn/  
vnd ander getreyd / vnnd in sonders  
vil öl / würt nit vß olbamen sunders  
andern fruchten gemacht. Da seind  
vnseiglich vil groser selzamer thierer  
parden/ Helffanten/ Vnnd alle sich  
seind wol dreü mal gröser da / dann  
bey vns in vnsern landen.

Beschluß red.

**L**ieber Grieninger / vff das sich  
Lgnüg thete eüwerem begerenn/

hab ich mich gemüt ( zu merer zierd  
diser loblichen WerCarten ) die nam  
haffte lender vnd stett zu beschreiben/  
zum teil/vnd so vil vñ ich durch war-  
haffte neüw erfarnen geschriffte / auch  
durch anderer vnd mein erfarnig hab  
mögen zu wegen bringen. Bitt ir wöl-  
len diß in güter meinung anneh-  
men/vnd von meinem kleinen  
vermögen vernüigig sein.  
Auch weythers ( angefer-  
ten dise arbeit vnd ande-  
re ) mich versprechenn  
vnd beschirmen vor  
den nidigen welche  
nach gethoner  
sach es wol  
besern mö-  
gen ob sie können.

# Von vnderweisung des vffleymens xxxiii

Hie ist die vnderweisung / wie man die Carten vff tuch sol leyden / vnd wie die rafflen nach einander gen sollen.

¶ Item welcher dawil ein Carten selber vffziehen oder leyden / der nem lein tuch oder ein alt rein leinluch / vñ hab ein breyte rafflen vff ein tuch oder schragen / vnd span das leinluch hart daruff / mit neglin an die ort geschlagen / zu ringum / Sarnach so beschneid die bogen neben an der linken seiten / das sie vff einander sage / Sie müßen bogē dupel .aa. ic müssen oben auch beschneiden werde / So magstu dan versüchen / Le du sie vffleydest / wie sie zusamē sagen. Sarnach nim in ein pfeilin leim der nit starck sey / mach in warm / nit zeheiß / nim dann ein benschel nit klein von weichen büsten gemacht / dann setz die leim pfeil mit dem leim vff die raffel daruff dz leinluch gespannen ist / nim dann den ersten bogen / das einfach .a. vnd ker das weiß übersich / vñ bestreich in dan mit dem leim / vñ leg in oben vff zu der linken handt / laß dir eins die bogen helfen heben / das du sie gleich vfflegen magst / das sie zusamen saffen. Sann leg ein saubern bogen daruff / vnd reib es mit einem tuch vff /

so wirt es glatt / also thū in allen / vnd ye die oberzeil einfach .a. b. c. d. von erst / darnach das dupel vnd das drey fach / wie hie in dem figürin verzeichnet ist / Item so du ein bogen vff hast geleimpt / so magstu alweg dē andere darnach messen wie er sich schick / dan die bogen gond oft vom leim vffstreichen vñ einader / so kanstu im helfen / vnd sunderlich beschneyd das bbb. by der linckenn hand gnaw bis an das wappen ic.

a	b	c	d
aa	bb	cc	dd
aaa	bbb	ccc	ddd


Getruckt zu Straßburg von  
Johannes Grieninger / vnd  
vollendet vff vnser Lieben  
frawen abent der  
geburt. Im. Jar  
1. 5. 2. 5.

Oct. 1936  
- 17183 -  
Lathrop C. Harper

*[Faint, illegible text, possibly bleed-through from the reverse side of the page]*


*[Faint, illegible text, possibly bleed-through from the reverse side of the page]*







Text  
F 112

